



零陵縣志卷八

人物

孝義 隱逸

忠義 方伎

儒林 仙釋

文苑 耆壽

仕蹟 列女

流寓 壽婦

邑山水雄奇甲於南服其磅礴蜿蜒之氣鬱積必洩在物則為丹砂鐘乳榧栝竹箭之材在人則瑰瑋權奇蔚為倫表輝映古今光照簡冊洵乎尚矣爰以孝義忠義文苑儒林仕蹟等類晰厥條流綜為銓次兼志流寓如賈誼適長沙馬遷浮沅湘窺九疑名流所經林谷增重不以借才為嫌也志列女者國家旌揚節烈肇端風化闡闢檢操同於忠義故併入人物不復別為撰次云

孝義

漢

鄭產爲白土鄉嗇夫時民間生子輒賦口錢貧民生子多不育產戒百姓勿殺子爲代出口錢郡縣爲請於上錢因得除改白土曰更生鄉

南齊

譚宏寶齊高帝建元三年大使巡行天下宏寶疏從四世同居共衣食事聞詔旌其間蠲租稅

宋

唐徹字子卓號愚菴績之族也家貧苦讀習戴記爲邑人倡謁劉靜春授以近思錄學益進居官能廉丙午大疫有周姓者闔門僵臥鄰里莫敢過徹獨往爲醫治之死則具棺以葬踰月乃反

蔣滄進賢鄉人善屬文少入太學不遇歸隱黃庭堅在宜

州病革滄往見焉委以身後事及卒爲棺斂具舟送歸鄒浩謫永州滄從之游浩有昭州之行滄又爲之經紀其家

元

康必榮散財周急累世同居表其門閭

唐筆字仲端敏而好學淹博爲通儒篤於孝承順色笑無纖芥怠母終筆哀毀幾絕躬負土以葬因廬於墓每多孝感事人傳誦之

明

鄧連字廷器邑御史敬之子事繼母劉最孝劉性剛凡飲食皆連親進每晨盥水必漉以布去滓濁偶一日水未淨劉以木橈觸其脅暈於地幾絕及蘇復進如故領宣德十年鄉舉會試中乙科授廣東惠州府教授父敬染日疾請

移本省以養陞韓王府左長史告歸祀惠州府學名宦故

相傳致政時母所觸處生毛人以爲孝感曾孫鍾衡性仁厚尚禮義兩事繼母

曲盡孝養生平不履公庭課經訓子鄉里稱長者焉

陳盡字用中邑廩生父元以貢生授教職母氏張隨父任

重慶卒於學舍扶匱歸葬哀毀過禮幾不欲生父遷壽昌

王傳卒於省城盡奔喪泣血及歸葬廬墓三年學使者旌

其孝行

陳典字堯道達之子忠潔純德之五世祖也成化十五年

鄉舉才識開達慨然以忠孝自期以二親老不赴春官試

竭力奉養親疾籲天祈以身代盡誠盡禮邑人效之

熊价字季藩居城北宏治甲子鄉舉歷官同知有善政以

侍養告歸居官餘祿與兄弟共之知府某表其門爲熊氏

友愛後祀鄉賢

章貴原籍江蘇以武職調永州遂家焉居郡城集賢坊性

恂謹善持家子孫繁盛耕耨出居鄉而讀者隨居城門內

雍雍里街取爲楷式相傳貴嘗行水晶巷拾金梳一旁觀

託羨之貴曰此必某僕以主命赴典者弗得必斃彼命俟

其人至詢之果以主病待質錢供藥餌者也貴立還之其

人感泣而去壽九十三卒後嗣多顯貴者成化中封武德

將軍名甫者其曾孫也新編

蔣仲春字中陽庠生爲人長身偉幹性誠慤方正澹於利

欲有女歸唐之俊者其夫婦並疫亡遺一子二女子甫歲

餘家巨富族人謀据焉仲春卽撫其子女於家而時稽其

產卒嫁其二女而教其子游於庠每歲錢穀出入皆置籍

仲春雖貧不絲毫自私也及其子長且娶妻乃舉而歸之
而家業已倍往日卒年八十五

易大化號春泉祖綱賈鹽於祁途中拾遺金候亡者還之
故有隱德大化幼承家訓益修厥行平生無疾言遽色人
有詈者不聽輕財好施負者不責其償子三才萬歷丙子
舉人三極萬歷辛卯舉人三極字泰宇初授廣東番禺教
諭陞廣西賓州知州平淡寡欲性尤慈惠及三年未嘗刑
一人比歸惟圖書數卷而已時或餽粥不給亦怡然自適
也

鄧崑字良玉號萬山性好施予嘗遇人道哭詢之則負鍰
未償者勢且垂斃崑卽探囊出白金二十兩並託呂日洲
代講於縣令以脫之除日有人於城僻處要崑而泣以貧

崑攜至家以五金與之其妻孥固不與聞也崑歿有奔號
於樞前者甚哀家人問其故乃向乞金者之子也生平隱
德多類是子自芳字芬如性友愛好善有父風遇危迫者
時解推之

蔡橋字子渡性正直里有爭訟得一言而解聞人冤抑不
覺流涕必出金拯全之不令人知

魯光縉字蔡衷庠生爲人醅謹事親能以孝養屢試不遇
日以詩賦爲樂著淡甯軒集

王元達天性篤善輕財尙義遇人競訟力爲解釋貧乏者
賙濟之知府丁某榮以冠帶縣令傅某獎以德行迄今人
猶慕之

蔣如蘭字馨之以原慤爲鄉里所推任倉大使種陰德不

德慶生三子皆入庠

張友周字以文祿仲子庠生事親備極色養篤友愛季弟嘗與伯兄爭財致訟友周則捐己田數十畝以解之鄉人有負金者約數百悉焚其券又置義塚收瘞漏齒及貧人之無地以葬者嚴於訓子而恕以接人菲於自奉而腆於宴賓無事不以古人自期壽八十有二卒子內涵心涵心涵字常淳號鑑湖與兄內涵少以文名振於時試輒冠其偶平居色溫氣和人無賢愚咸敬愛之至見人不善則直言不少諱父性嚴終順承之無幾微忤事兄如父由明經司訓澧州明時教職得與民政一日州獲大盜八將定辟心涵察其貌不惡訊之乃乞丐誣爲盜者白州長釋之時流寇戒嚴一日獲縫人以爲謀也將殺之心涵廉其情得

免有田生之玉僕爲金生所奪訟於官凡數易咸貪金生賄左袒之心涵至立斷歸田虞生者有產八百畝其僕私獻於荊州惠王王遣官至澧勘之虞不知也心涵告生且使鳴於防憲王永祚立斃其僕而保其產金姓據陳姓陰宅爲僞墓於其地訟十餘年不決金以賄行也至是控於台省符下州守命心涵勘將以鐵槍探其穴金懼供實乃以地還陳而正界焉轉桂陽學正致仕歸年八十五卒子守銘字伯敬生而純孝事二親無違顏日嘗左右侍誠敬肅穆不衣冠不見也出入必告不告不敢離也好讀書嘗至丙夜爲文爾雅醅正見賞於督學徐爾猶游庠食餼私室不蓄一錢而性慷慨能周人急以明經司訓道州與諸生談竟日不倦束修之奉未嘗出諸口後以壽終次子宗

銘字仲敬號西岩歲貢生博學工詞章試輒高等事心涵最孝性剛直與人合洽而議論終不少屈父司訓澧州積有薄俸命宗銘買綿津市身儉窺其年少計以色餌密令其妻挑之宗銘卽移宿舟中其見色不苟如此鄉有買豕者遺金於其家宗銘不敢封俟其人至出還之仗大義遇不平事力爲剖決好讀書至老不倦甘澹泊不事生產惟購求書籍如恐不及也子孫皆以儒世其家

胡維翰字宗卿居仁里人宋胡寅裔性純孝色養甚篤長吏屢獎其行兩中副榜萬曆七年選貢廷試第三以母歸養母疾躬侍湯藥親滌溷穢如是者十五年竟不仕叔弟早死遺二孤撫誨無異己子

柳應權字貞甫子厚弟宗一之後也髫年補弟子員事繼

母至孝內外無不盡心繼母生弟繼權友愛極篤共炊者數十年叔嫂死其子先卒遺幼孫應權撫之成立學官儀其孝友舉優行焉生四子學惲學悌庠生

唐汝賢六世同居成化中旌爲義門

秦肇雷字君顯庠生少刻意讀書文譽彪發然謙退不以自矜避亂鄉居事母孝教子甚勤暇時以詩酒自娛灑灑高致同里皆嘉尚之年七十九卒子一彥庠生

吳宗俊字秋潭歲貢生性至孝母染異疾極力調治顛天泣禱疾遂愈母歿朝夕悲號不已淚盡繼之以血因喪左目鄉邦稱孝子焉子杰孫雲鵬萬曆天啟時拔貢

蔣汝蘭性慷慨少有逸志邑廩生縣學宮舊在瀟湘門內水法未善堪輿言當遷汝蘭卽營己產赴京上疏疏允適

巡撫姜某巡永相度城東吉地因遷焉自後科名絡繹人以爲好善嚮學之報

魯鑑作誌東隅里人連之祖也性仁厚幼失怙事母至孝

母病號泣籲天請以身代及卒廬墓三年

高綱字子尙制行端謹以事繼母疾棄舉子業終身孺慕

不衰年八十七以長子鈿貴得封贈兄繡字文所亦孝弟

君子也以貢生除九谿訓導遷普甯教諭陞黃州教授明

正學以勗多士一時嚮之鈿號鼎垣萬厯乙卯舉人知華

州懲猾祛蠹愛民如子暮年大治總制楊修齡首薦之欲

擢以不次鈿以父年耄流涕乞歸養歸一年而父卒遂以

哀毀殉焉祀華州名宦弟鐸字榮垣幼隨謹嫡母陳九十

有二鐸嘗侍疾衣不解帶及陳卒哀慟如所生見者感泣

兄弟六友愛甚篤父歿分產鋸流涕不忍言地肥饒勿問

也世亂隱居不與外事惟誦讀以孝弟爲訓嘗曰人不孝

弟讀書何益哉子治廩生丙子副榜澧貢生任湖北通山

教諭並有名稱鈿子汲字二水邑庠生天質警敏幼隨父

牧華州案牘山積汲佐父立剖晰之情事悉當然性醇謹

平居未嘗以才畧自見也習舉業爲萬吉人吳茲受所賞

識累鄉試不第值貢期竟以遙授領冠帶益異數也家居

教子皆成名枝林庠生林太學生

歐湖字龍田家中人產有告匱者輒予之償否弗計也憫

羸獄囚精衣纒纒無食者食之凍者授以絮歲以爲常晚

年生子卽副使繼修也繼修字二如有宿慧日記千言爲

文敏捷天啟末舉於鄉恤貧排難忠信孚於閭鄙授融縣

令教民禮讓不鞭朴而相率從善兵事急擢監軍道尋謝歸卜築隱居不問時事父子皆以高年終

詹懋舉字泰字以萬歷選貢任鳳陽府判有廉聲以母年八十乞養歸時懋舉年亦近七十矣依依孺慕溫清必躬親之母壽九十八歲無疾而卒人以爲孝感云

彭洛字宗程歲貢生任衡陽訓導遷通道教諭母年高嘗效老萊以博其歡鄉邦稱之弟洵字宗蘇號少泉亦以歲貢司訓黃安遷湘鄉教諭陞長沙府教授忠直孝友有古人風洵子士彥字美之亦有孝行處事必嚴謹不妄交交必以信喪妻不再娶或勸之曰予豈矯情然者每誦曾子孝衰妻子之言輒悲惋不勝敢忘其訓哉獨處者蓋五十年子文燭文煥庠生

蔣復春字見字如桂之子生而穎異有大志讀書至忘寒暑性仁恕謙恭喜獎掖後進以歲貢歷學官者四以身率士貧者解俸濟之初訓永福有劉拯者家貧父早喪事母至孝母悍且嚚拯婦事之稍不順輒撻之流血以小故命拯出之歸外氏凡三年復春聞之詣拯宅諭以恩義其母弗順也悍益甚復春廉得其意陰出俸爲母市簪珥服飾假爲婦禮乃納焉婦歸事母亦謹母亦悔悟不如初也張崇新喪兄未閱月嫂父欲嫁其女新不可遽誣以盜嫂聞之督學復春爲力白其寃後二生俱以甲子舉於鄉並德復春至其家拜謝焉先是直指以特薦聞而公已告歸矣著有青瓊集浮雲集易經四聖問心稿孫又滋字潤一庠生少負大志性聰穎讀書目數行下然恂恂雅飭不矜才

動以名教自持事母尤孝備極色養嘗讀蓼莪而嘆曰吾不能以五鼎榮親兒曹苟得志我卒亦勿以厚禮葬言之嗚咽母喪哀毀骨立祭葬皆遵古禮讀書正襟危坐如對聖賢其天性淵靜如此丁亥歲饑凡告貸者則還其券買升斗穀者則畱食於家一鄉倚其調郵無餓孀者畱心經世之學嘗以所著心政上之巡按御史李敬李曰此文行君子也叔向榮以大器期之晚年築室隱居著述甚富自尚書合參拙餘詩集白石幻筆東山雅言等集卒年八十曾孫彌高字孔卓號蘋洲康熙癸卯舉人爲人慈祥方正少遭兵荒刻苦力學與叔本生讀書郡城鄰有二少艾窺書室繼以調笑彌高拒之復託所親以金簪示意求爲其叔姪妾彌高

本生遂夜遁後同榜中式吳三桂踞衡重

彌高名凡三檄不起吳逆平謁選得鎮平縣勞心撫字民咸戴德蒞任五載獄無命讞 欽差按臨聞有蔣青天之頌以其實上達陞授主政任刑官於死者多所平反官僚冤抑者凡五皆全活之山西巡撫某有隱曲不能自白亦代達無所避三年致仕歸又十餘年卒又滋心政新知等作及彌高詩文多傳於世

胡湘誠孝篤至父病危籲天求以身代遂愈父母相繼歿哀毀踰禮廬墓六年旦夕負土加封風雨不避有司表其門

呂仲栴字又元郡庠生學簡孫八歲喪父以孝聞謹厚謙退人不見其喜怒哀鄉里稱長者有盜其池魚者鄰人以告栴曰予豈不知此但不敢以細物致鄉里有盜名耳事兩

姊尤愛敬生養死葬備盡其禮又爲貧人娶且葬者五贖無依孤子者二然終諱之不告人也屢試不第而卒有六子皆業儒

王懋功庠生性孝友制行謙恭生平未嘗一字干謁公庭人皆稱仁厚長者屢推鄉飲賓不就

張翕字成吾六歲失恃善事後母幼有聲庠序周元汀時已顯貴見之謂爲不及也長子大生崇禎時由貢生任湖北應山諭季臬生字杼一又名大武生而剛方言笑不苟事親最孝母氏賀年八十九有瘋疾歷十餘載舉生與同寢事之未嘗少離母歿葬祭盡禮與昆弟處雍雍然教養諸姪如己子遇父母生忌日嗚咽不食同邑桑日昇尤心服之嘗曰杼一孝友性成未可學也偶於市拾銀闕不敢

封識以待失者還之崇正末邑大荒斗米十千舉生乃貶食以餓餓者全活甚眾生平嘗喜孟子三自反章終身體行之家故永備世封例得襲職然不以爲榮也子又乾郡庠生孫三長邑廩生舉生嘗戒之曰爾曹生質炯然此身如玉玷卽不可磨矣子孫謹守其訓年八十七卒里中私謚端毅先生

陳禹咨字湘洲性忠直不苟幼失怙叔待之少恩積誠感之叔悔悟更善待之事兩母以孝聞少游廣西拾遺金還之粵人至今傳其事以子純德貴得封布衣蔬食未嘗稍改其素北都陷純德殉節家書至揮淚發之哭失聲已而嘆曰有子如此吾復何憾永州亂其子孫奉之避於鄉年八十卒弟周咨字瀛洲事父甚謹母氏馮失明屢禱於天

而愈析產伯仲欲取贏卽以已分讓之皆慚悟年八十六卒子純愿孫才修俱庠生

樊佩字養和庠生性孝友兄瑜艱於嗣且貧匱佩事之曲盡其禮爲餘干主簿民有兄弟訟者以已事兄者諭之民感而化

章焯字養順庠生刻志剛學矯行狷謹事母以孝聞

桑愈高字道升庠生家貧甚然值父喪凡斂葬皆獨任之不以責諸弟居鄉敬讓人有忿爭涕泣諭解之息事乃已見受誣枉者力爲援救無所遯天啟甲子歲大饑田穀熟有竊掠者愈高知其人不之詰後其人以他事訟瘐死乃歎曰吾縱若而適以斃之悔何及耶鄉試歸城步縣饒某與同舟患疫爲手診之躬良藥以進饒得愈晚年言及父

母猶泣下每食輒思之生不兢兢守身未嘗二色卒年七十九學者私謚端孝先生子一其字木生性穎而介讀書通暢品行修潔弱冠爲庠生工舉子業然獨尙古文詞不爲時流華靡之習敦崇仁義以古人爲切劘雅與忠潔純德善又見偉於萬吉人壬午舉於鄉制行如常不以私干當道世亂鄉居解釋周子太極通書又注疏易經皆有確見年七十二卒子八人六列庠餘業儒

陳三績字玉凡號參山幼開敏十五游庠試輒高等鄉試者十一竟不遇以歲例得貢又棄去事母李最孝或頃刻離必婉慰數四而後出舊與陳忠潔純德爲莫逆交以天下爲己任獻賊陷永聞其名欲招致之乃遁匿不出克復後當事薦其高節題授桂林通判不赴隱雲莊山二十餘

年遇佳山水常携朋流連竟日性善飲一斗不醉不事生產惟以詩文自娛佳節良辰卽來往交游家天性和易遇庸豎俗兒皆得畱畱或數日時倦出則閉戶擁書左酒卮右丹鉛若與古人相晤對者所著易經傳義衷康熙二十二年 詔求遺書當事取以應之別有教養篇樂志論參山詩集四十九卷卒年七十二子醅字素公幼事祖母內外稱順孫嘗捐貲爲族弟婚娶順治五年選拔

唐瑄字官玉庠生知府金維基器之貧而好學菽水事親孝敬不違居喪每食必立侍如親在時葢三年如一日也時稱純孝焉

陳廉字汝周號月巖年十六食餼幼以孝聞父鞠疾劇禱於神矢以身代及喪擗踊痛悼至不欲生學使者屢旌之

卒祀孝子祠其從兄洛字汝京四歲知孝繼母生平無口過以壽終

伍就湯字鍾秀庠生事親能竭力父學曾長者也年老病消渴好飲泉水其泉原去家數百武就湯嘗躬汲之寒暑不倦如是者二十年一日宅旁石罅水忽涌出味甘冽父飲便之人咸以爲孝感學使者採風加褒禮焉

呂國臣庠生事親孝居父喪寢食必於靈前足不出戶者三年免佃民租若干爲父資冥福邑令某以孝義高標額其門子元韶元護俱庠生

國朝

傅明賢字君錫號起巖東隅里人祖亨明舉孝友特科官御史順治五年明永明王圖恢復遣兵圍永州明賢時奉

母趙氏就醫城中亟負母出爲門者所禁逾月明賢縋城
出省父明日復白其父入城奉母舉家哭畱之曰父有弟
我可暫離若母無我生死何倚哉其子乃泣送之中途作
絕命詞七章遂入城城中糧絕兵食人其母聞之恐怖死
明賢遂一慟殉之

蔣應鬻東隅里人巫師蔣師皋養子居唐公廟明永明王
軍圍城三月城中糧匱兵日食居民一日兵眾入廟繫其
父將殺而食之時應鬻方童也自神後出跪曰父老且瘠
請以身代兵釋其父牽之去竟殺之父得存解圍後父出
每向人泣道之康熙四十三年學使潘宗洛表其孝爲文
祭之邑人立像祠之唐公廟中嘉慶二十二年知縣宗需
上其事明年知縣曾鈺申請得 旨予旌入孝子祠

周良富字清泉姓好善國初時鄉市饑施粥四十餘日出
千金修茅江橋夫婦皆七十八而終孫三人皆餼於庠其
六代孫之綱監生侍母疾能竭勞修亭渡橋梁多義舉八
十八無疾逝子孫多衿佩士焉

黃鳳梧字鍾瑞庠生善承親志姊家中落資其衣食三十
餘年及卒且經其後事既又爲其三子畢姻康熙戊午歲
凶出所積給宗黨朋友其償否不復問也同學王生貧不
能娶出金助之待人和易有爭端見之輒解子佳色舉順
治十七年鄉試第一

雷開天字贊化庠生明季兵興良苦科斂同里推開天爲
社長極力曲全眾感受之康熙己未吳三桂之變道殢相
望開天悉爲收瘞爲善於鄉不求仕進卒年八十四以子

春晉貴贈鄱縣訓導族子春首字梅叔方幼父以誣被逮
春首挺身白其事當事奇之得解尋游庠事親色養不衰
推愛庶母及諸弟無間言人以爲難卒年亦八十四
蔣讓字述言康熙三十五年副榜任辰溪新甯教諭歸時
家貧如故父歿讓年六十餘矣哭之喪一目兄弟終身不
析爨

李之英字伯和康熙四十七年恩貢選桂陽州學正未就
少孤竭力事母教子弟有家訓十二條皆至言也卒年七
十七

蔣漣字秉相父本祁陽鄧氏爲蔣後遂爲零陵人性篤孝
出入起居惟父母是依雖老不異繼室某稍不順於母卽
出之父母歿廬墓六年墓側列樹成行有鳥五色巢焉鄉

人繪圖網之子四鳳色鄉榜大鷓拔貢大鳴歲貢

湯錫哲歲貢生幼有志行父之輅性嚴急老艱於行錫哲
嘗携杖以從能適其意母虞年六十患癱凡更二十餘年
錫哲日左右扶掖飲食湯藥不假婢僕手兄錫明早世撫
其子若己子庶弟錫遴錫桓析產後家日匱乏復出已田
產給之且多方訓誨俾以學行自立故人子有貧無依及
不能婚者多所周恤子四並歲貢生孫舉人弟錫遴鄞庠
生雍正六年與睦文煥同舉孝友端方發江蘇用知縣署
荆溪縣張渚司巡檢終於任童時父及嫡母相繼歿錫遴
哀毀如成人母疾目幾盲錫遴虔禱請損己壽以益母疾
果愈目亦復明任張渚時遇火災爲禱於神忽大風火頓
息歲旱又禱而得雨市中見丐者貌兇悍拘鞠之云葉姓

偕者凡五人檢其行李得鐵鑿上有泥疑爲盜者遂解五人並繫於縣縣無情實將釋之適稽盜有指葉同贓者搜其身果有當票二十六於是眾頌其神喪歸士民哭送者數里著有石巖詩存一卷石巖制藝一卷石巖卮言八卷高棫恩貢生七歲而孤侍母唐氏晨昏不忍離吳三桂陷郡時奉母避山谷遇大雨母飢不能支棫負以行道逢山果熟取以啖之母疾幾不起棫每夜焚香祈減己算以益母病遂痊幼嗜學熟先儒語類於史鑑多所評論七子皆有聲於庠

謝元鼎字君贊家貧嗜學髫年補弟子員食餼精舉子業一時俊秀多師事之居鄉謙厚輕財好施隆慶里有李信吾者以負營債父子久繫於獄欲嫁其媳以償已書婚券矣時媳撫其子哀號不絕元鼎聞之卽向參將劉某白其事而捐銀以償之李父子並釋而其媳竟獲全元鼎負大志然屢不第康熙七年例貢士知縣李如洪爲請於督學許遙授之督學復旌以額曰太邱遺範年七十有八卒子三承統廩生承緯庠生承紱壬子亞魁

蔣本生字湘生又字字臣初家秬城後徙居側塘康熙癸卯舉人四歲孤事兩母孝撫兩兄遺孤恩最厚順治丁亥大饑斗粟萬錢分食以濟飢民母復出善珥佐之多所全活戊子粵兵圍永城人相食百計俾家無恙兵荒之後人各保身家見外來色狀稍異者輒疑爲賊殺之有江南道士同客民九人來避難眾執之本生推半捕眾力保無他

李利焉寸斷燬之實鐵曰公給我厚我也遂改行有嫁妻以償官錢者罄囊中所有與之夫婦得全死而無棺者解衣以畀之生母范卒旬日鬚髮盡白廬墓三年有白雁千百為羣集其側一日夜始去又有虎繞廬而嗥若與哭聲相答以哀毀甚免喪未一年卒著有讀書堂說禮及讀性理書于四岷邑貢生獻甲子經魁崢嶸皆道州庠生王陞榜字次錄冷水市人康熙癸酉拔貢父聘臣饒於貲而課子甚嚴陞榜幼耽墳典工詞章試輒冠軍事親至孝頃刻不忍離以拔貢需次曹郎因念父母辭歸不復赴選居喪哀毀不飲酒不入內廬墓四年其教人先躬修後文藝內行純至鄉人至今矜式焉子四開元庠生位國綱俱太學生

王鐸字醒人號木菴進賢鄉人歲貢生本姓楊祖士標入繼王遂冒今姓幼警敏力學試輒冠其羣趙巡撫申喬觀風教置第一後以公事至永廉其行誼更厚賚之知縣朱爾介往過鐸則避去爾介歎曰名可得聞人不可得見也同知陳某調陞河間知府以禮請偕之去堅辭之貧而好施族有貧而死者具棺殮葬之里有鬻子者代贖之或為不義眾執之將鳴於縣亦止而諭教之不義者卒改行外祖者日貧迎養終其身治家嚴而有法門內外不聞笑語聲所著有四書講義大易捷觀木菴家訓詩賦雜文子恩齋雍正癸卯舉人任桂陽州學正

王暉字東陽康熙間與弟暉同入邑庠性剛方而事父母極婉順人故以孝稱友愛諸弟勸懲訓誨皆有成就同居

孝義

夫

數十年無幾微間投徒得佳女輒請父良材至館爲獎勵之父益大歡其取予不妄市人皆知之弟暉字正曉號靜菴優增生事親有至性父母偶不悅必左右承順俟色和乃已兄暉嚴正事之如父幼弟從受學同臥起冬夜則以手枕之所學甚遠有靜菴稿教人不倦及門貧者束修悉不受間猶飲其膏火鄰里困乏者量力周之生平正直爲族里信服人有非禮事輒相戒毋爲暉所知年七十六卒子在綬性仁孝事親有孝行尤好施予嘉慶十二年大饑發粟賑濟存活無算邑考稱道梁諸舉多所倡成有爭攘聞其將至卽解散惟恐其知也嘗曰與人畏我何若愛我其居心行事如此卒年八十五子金臺字兆燕附貢生事親孝胞弟四友愛甚篤接人素謙抑至營解紛難則

持正不徇昵雖悍驚者亦屈服之輕財好施每歲終錄田中貧者計口賦食內外宗親尤多賴其調卹收瘞露齒歲以爲常年八十一無疾卒金崇字雨村少聰穎能文屢不售因援例就州同職性誠篤事親能色養其長兄年老二兄仕粵西獨操家政數十年不私一錢帛內外雍睦無間言遇里中游蕩不操正業者輒周切規戒之及悟而後已族子弟或善文藝必多方獎掖比於所生自奉甚儉穀而調卹飢寒疾苦則不少吝里中稱善人

楊自箴字超林存樸里人年二十三妻黃病歿時長子卓四歲次存性二歲自箴躬撫育備極勤悴父母及外家勸再娶並婉詞寢其事居恆避嫌疑不輕外出康熙癸未歲歉計所存穀除家口食外悉分給里中寒人多所全活凡

餘居三十八年年六十一卒雍正九年請旌

伍大訓孝悌鄉人性忠愨好施予善持家政子四孫曾以數十計合炊者百口門以內雍雍如也鄉黨以張公目之季子興耀能繼其志知縣孔某以樂善必昌旌其門孫元昇伉儷有祖風嘉慶間大旱斗米千錢時家祇一日糧適族有不舉火者卽慨然分給之姪某以私積錢買田二十畝偶失其券昇拾之卽呼以予不問錢所自來也卒年七十餘元孫一珩字永敬生有至性幼隨父賈廣西省城每冬夏必歸零省其母歲以爲常父歿世其業久之貲漸裕有弟某拙於治生一珩凡兩分其產竟兩罄之意夷然不憾也方賈廣西時有周某者從肆某物甫成約而物值倍賁周所他肆者皆中悔而一珩獨予如約一日購某屋已

給值五百金矣有唐然者強爭之眾議於五百數外更予一珩五十金蓋市規有此所以罰貪而獎讓也一珩弗受卒以屋推唐越日而屋火人謂一珩誠厚故免此零故與粵鄰游士往來無虛日至則如歸行則有贖廣西民風故狡悍道光來尤甚一珩旣久習之一日語人曰此不可終處也比歸三年而金田亂作人以是尤服其識量云少以賈未竟學然聰慧善悟晚於諸書多所瀏覽時以己意釋其文義無稍謬論者

陳懷德興仁里人庠生陳禹道遺腹子也有四兄懷德行五母氏蔣三十一歲而寡母病時懷德方五歲憂慮不寢食聞吟呻聲輒跪搶地被額出血不止母躬績紡懷德嘗則擲扇寒則進火奉茶嘗以時童輩呼之戲不離也家

孝義

故貧遭吳三桂亂後貧愈甚四兄並喪更無倚爲生懷德乃鬻薪以度日身與妻子無完衣日不再食而供母必甘美母憐其困止之不從母乃屏弗御懷德則怒其妻意必有告困於母者復供之如前懷德嘗從母詢父狀母爲口畫手圖之聞之卽神色慘傷淚如雨泣暇則展父遺書哭誦不已母憐其心之過傷也乃斂而焚之母年七十三忽患心疾月二三發發則痛不可忍懷德日夜禱請減已壽以愈母病如是者歲餘一夜夢紫衣者曰吾爲醫之次日母果愈後不復發雍正癸卯母年一百一歲通判許某權邑事給貞壽蘭芳額旌之時懷德亦七十矣是年母卒懷德號慟幾死而甦旣葬廬墓三年朝夕薦食如生乾隆三年以孝行旌時年八十六猶健也

唐國典字帝有號欽齋高溪司人歲貢生任城步縣訓導年十八九始就學刻苦自勵工時藝卒成名儒父三才性嚴厲能曲承其歡父患痔躬洗滌膿穢扶掖上下床衣不解帶者凡百九十晝夜雍正六年詔舉孝友端方當事推國典以母老弟幼固辭九年夏穀騰貴施百金以賙貧者十七年大饑賑以粥不足則借常平倉穀濟之先是國典曾祖一登於順治間曾施粥四十日樂善利人蓋有繇目云領教職儲育人材寒賤則資助之歸時門生餞送百里不絕知府鄭某贈有詩曰帝錫清閑歸畝畝天畱餘力課兒孫益紀實也卒年八十二著有讀書林文集雜組二編藏於家子命育尊賢庠生孫學藻學古學方貢生選舉官

趙九成性坦直幼孤勤力養祖母母教諸弟並爲之娶處鄉黨以仁孝稱好濟世常製小兒藥丸以施妻孫氏能佐其孝並年七十八卒子承泰孫含馥俱邑庠

羅成綱母蚤歿善事繼母兄弟四人相友愛視從子如所生有義舉力任之鑿箕塘路及亭皆所修也年七十卒子大相能繼其志

周祚世字克榮祖均以厚德聞初貧乏竭力孝養兄弟三人友愛至老不衰遇事敢言鄉鄰爭鬪藉以衰息族兄文先遭誣置於理祚世出己財營脫里中善舉時以身倡年七十六卒諸兄祚備字家相幼好學困小試遂棄去然至者不輟吟誦爲人簡重不苟取與晚年修宗祠朔望與族子弟講明禮義年九十二卒祚俊字克三性耿介授徒不

計修脯終年不外出不荒訓課及門多成就者六十喪母永漿不入口者數日遂不復外館躬汲爨以事父年七十

三卒

胡憲德監生幼貧力學有至性年十四父仕祜病革憲德驚痛幾絕父遺言立身向善爲要憲德泣誌之尋遠服買力操作起家事母王曲致歡心課弟懋德俾專力於學得入庠一日將外出母殺雞具食弟偶爲骨鯁哇之有血憲德行數日仍返視弟固無恙曰心憶吾弟覺不安耳好周人急貧者不能償卽還其券卒年六十四

王者儒年二十喪偶終身不復娶兄弟六人同炊無間言年七十八卒

王際昌早失怙恃與兒者臚相友愛者臚病篤際昌禱以

身代遂愈俱年七十餘

唐廣盛字敬叔律身嚴謹篤志勤學爲諸生五十餘年僉稱曰有守之士

周之濂字月巖優廩生進賢鄉人明尚書希聖五世孫幼以禮法自持嘗失愛於繼母積誠感之乃愛如己出訓徒條約甚嚴出其門者從無踰檢蕩閑之事束脯半以資貧者所作詩文人多傳誦之從弟之統邑庠生家貧率胞弟讀且耕以養父母卒自成立乾隆庚辰歲早荒有二人因飢乏欲嫁其婦統惻然語妻曰我家七人彼二人者家九人請減日食之半分我以活彼當無不可者其夫婦卒以全活故人歿不能殮卽櫬之年七十病且歿其母年九十撫之慟哭既絕復甦蓋其心未忍死冥冥焉方祈假年以

終母養神佑之故魅也越二年母卒統乃卒有枕石堂詩曾孫澄世字紫淵父早故事母盡孝胞弟患世出繼伯父友愛如一生平無疾言遽色雖童稚未嘗稍輕惟以修己明經勗後進口講指畫終日不勸門下多厲名教品之士堂姪紹爽庠生紹林拔貢生紹邠歲貢生姪孫崇儁廩生崇傳翰林院編修皆其所造就者

蕭玉友字怡堂黃陽市人天性純摯事親左右就養務得其歡父芝萃晚患風痺坐臥起居非玉友親爲扶掖不適有時痰昏病狂謂所居非己室玉友則更負置之又以其室爲陋則又折花插於中張綵幃於門壁以悅之聞或遺矢未及浣則以手拭褥之如是者凡二十年人皆以爲難父友亦不覺其苦也

再修縣志

卷八

人物

三

年日復明兄弟怡怡從無爭忿乾隆乙酉黃陽市火鄰舍俱燼玉友家無恙知縣莊熊芝履災及之爲之動容稱歎既歿以孝友旌于三東來乾隆癸酉舉人秦來太學生惠來歲貢生

湯相傳字爰立號霖齋進賢鄉人乾隆丁卯舉人丙戌大挑知縣分發河南署唐縣補鄆縣訓導未兩月丁母艱服闋補綏甯教諭在任六年謝病歸歸又二十年而卒初相傳以母故改教及赴鄆縣而母已卒故終身傷怛之居心寬厚強悍者服其化尤善啟誘成就者幾二百人在綏甯建考棚培學校其郡縣兩文廟皆力襄成之爲文甚富尤善集古詩壽九十卒弟相弼字代言號寅軒乾隆癸酉拔貢官桑植訓導父治渥勲於教子待師盡誠禮每除夕卽

將明年國課及師修金封識之供祖宗位前雖他有急需不發也及期乃併納之兄弟皆有孝行父病痔老益劇常呼弼盪洗之乃稱快或戒云其疾恐傳染當代以僕婢弼曰僕婢獨非人乎使得分父之疾滅父之痛何幸如之每採洗時兄傳等爭爲其勞弼曰此吾所熟父所便也後弼竟病痔以其授經粵西新安風木山也因其義爲風木吟百首讀者泣下弼少受業於兄相傳友愛極篤弼感其恩義終身師事之在桑植時多所造就致仕日門人送者至數十里外不忍別子五入泮者三

高鵬程本名魁陽東山庠生煥子也弱冠亦游庠因煥嘗收租於祁陽王某家某匿其田畝煥論推之情急斃其幼子而以煥殺人訟時鵬程聘唐氏女尙未婚泣請身當之

穉衿繫獄備受榜掠誣服論死解行臺省按察司方讞先
一夜夢神語曰書生胡不明理者往收租時用傘遮田耳
擁火蓋何爲言訖而寤鵬程曰吾生矣神教我矣蓋某子
傷痕闊三寸與所誣以傘柄擊死者大不實翌日鵬程具
以供得昭雪歸知縣徐錫仁嘉其孝令改名應試遂復入
縣學誦吉親迎鄉里榮之翁然稱孝子友愛尤篤晚惟季
第孺存衰憊特甚鵬程於出入則扶之食則祝之數年不
倦孺歲貢生初聘妻某日瞽其父請析婚孺不許竟娶之
人以爲義鵬程卒年九十五子一孫七念祖懋祖怱祖俱
庠生愛祖副榜曾孫十七列膠庠者九

王誠可原名參乾以字行號广齋歲貢生蕩底人父槐榮
母氏唐事之孝謹旣歿口薦新及生忌日皆哭號不絕

至老不易與三弟同居推懷委誠從不私一財遇宗親所
言皆慈孝事與交者醺醺然自化也博綜羣書訓課生徒
終日娓娓不倦遇聰俊者獎拔之而資助單寒者性慷慨
優幹濟然從不干涉外事年六十八卒

譚如綸太學生興仁里人少孤母張氏撫之成立性好施
濟就貸穀者凡量斗出必贏入則概平之或甚貧不責其
息不償焚其券曰吾不以累若子孫且恐我子孫執以自
累也居家戒爭訟曰省一日忿怒卽高一日清福故與人
從無乖忤者讀書正襟危坐未嘗有惰容待師友竭誠禮
始終不衰知縣陳三恪建羣玉書院徵如綸首其事凡以
公相見外未嘗有所干求子二孫光鼎嘉慶辛酉拔貢庚
午舉人宗親儀其行議請旌如綸婉謝之

尹培元母氏詹病足躬負之出入凡六年始愈嘗賣木棉於楚江墟販者值以銀誤增三十兩比歸乃知之曰彼數人貪販者也如是不特失利恐同類致疑且相角因急走還之年七十三

呂仕經咸和里社長也父蚤歿母氏蔣老患骨風仕經每溫其衾與弟仕綸仕繡相好無尤同居皆逾大耋仕經掌社穀公出納爲諸社所不及一生善讓人未嘗構訟遇修葺橋路皆樂與焉子四季學東庠生

龍雲煠漢太守述裔也事父母孝治家嚴整人有忿爭力諭解之常勸人爲善卒年七十子孫多列庠序

陳英字倍千父一文蚤逝母氏雷英事之孝謹以母多病究心於醫學母偶不悅心卽皇然如有失必母色怡而後安乾隆戊戌歲入庠性狷介不苟交游鄉黨皆敬之年六十八卒子三季可大庠生

唐正鴻善事祖母繼母刊勸善書以醫濟人年七十卒徐方伯東湘橋人幼讀書歷試未售性孝友事親能色養課子方嚴待人寬恕前學使以散謹延祺榜其廬卒年七十六次子邦彥邑庠

黃陞節孝王氏之孫也父自俊常賈於衡州主市值以銀誤增百兩及歸至中途知之乃返舟還其市陞幼承父訓遇橫逆忍不校歲荒多所鬻恤或貸不取償與弟獻怡怡至老不衰卒年七十二後嗣多列庠

高佐字廷弼邑庠生木瓜學人年二十五妻氏唐亡子女俱幼躬親撫養宗戚屢勸續娶弗聽母歿父年老嘗襍被

隨寢既又請娶後母卒年七十餘

湯炳萼字馨園父相業以貧不自給適蜀授徒凡數年炳萼時年二十餘乃走三千里迎歸之父疾事之得其歡心父歿喪葬盡禮年七十六子孫多在庠

高烜字右亮陽東山人父林性方嚴諸子少不如意輒怒不解獨烜無幾微忤幼勤勵於學夜讀書常三更不寐父憐之愛加諸子乾隆丙寅貢成均然淡於仕進所居秋香山房遠近學者多師之得修俸不以置產惟廣購書籍餘以給貧士有衣食於烜至八九年既成名而後去者或勸烜爲子孫計謝曰任後來者自爲之吾何與也其孫曾皆名諸生

劉瑛字璞堂注璞直早失怙事祖父母母盡孝祖父母高大年母亦七十餘知府應先烈修郡講院瑛董其役任勞無私人以此重之四代一堂孫在淵有聲於庠年九十卒黃大鳳字棲梧隆慶里人少讀書有會通既冠日忽盲輒轉醫治略能辨人物父早亡善事母暑爲揮扇寒則以身溫衾母憐其勞數止之不從也母病累年侍左右調護之未嘗怠於妻子瘞病則手承之薦草有遺矢手掬之既亡凡有事出必告於神主而後行有某兄爲父撫子與居五十年怡怡然如同胞兄偶失檢跪哭而諭之兄爲感動坐前路久圯眾將修之而艱於石大鳳乃食石工於家以致之年餘而途成家故貧蓋省衣食爲之也知縣黃九敘儀其行議請旌無何以病去故未及行年四十餘尙無子後生者凡五歿年有孫十餘

蔣鈞字荆來橋頭人早歲食餼貢成均居鄉塾終日惟讀經作詞章不問外事待人和厚無忤篤友愛兄銓固多子凡婚嫁較繁費或有諷鈞析產者曰爲子孫而傷手足雖積財其能久乎且此心固大有弗忍矣迨兄歿諸姪請析產亦在爲之肥瘠多寡不計也惟以不見其兄朝夕悲泣不止年餘而卒子孫皆守其訓多列庠序者

呂純思字久徵束修自愛以濟人爲心疾者施藥丸凍者授絮纊遇鄉鄰爭訟竭力勸慰聞者心折數十年無雀角之釁前知縣黃九敘嘉其實行欲舉爲鄉飲賓固辭與妻魏氏年俱九十而終其孫宗宜率其行亦九十曾元有聲於庠

張仕貴孝悌鄉人自曾祖孔譽生一達一達生良傑良傑生仕貴凡四世同居具有家規仕貴謹守之長幼衣食均平如一闔門百口無間言至其曾孫相安於親睦累世惟耕讀爲業從未與人爭訟仕貴卒年九十三永州孝義之家在元有康必榮在明有唐汝賢他日旌義門著國史必張也

何玉芳字靜軒少孤貧治生漸裕居近山瘴鄰里多患疫人各戒避玉芳獨時其饑渴排闥飲食之或煎藥送給卒不染設義渡建涼亭修橋助婚喪前後費數千金八十五歲卒子凌雲庠生慷慨好義倡修澹山巖橋凡兩次計費巨萬而凌雲所需約四千緡次子經運號漫亭與兄同志遇饑寒者時贍給之或貧不能葬則資棺以殮嘗捐田二十畝爲黼黻嶺文昌宮公費士子至今感之凌雲相傳仙

周昌庚性孝友兄弟分爨後見兄困乏恆飲助之弟死仍與姪合居均其財產戚族貧者多所周卹平居嘗誦感應果報等書少時客漢上夢神謂曰汝算本促如能存心向善當得八九之年後矢志力行果七十二終子三戒益庠生孫敏德監生

陳九齡字載張監生宋忠節陳太傅邁十九世孫五歲喪母繼母鄧氏字之極慈九齡亦愛敬篤至父歿鄧年高日必供滑甘夜則醕酒率妻侍食母心怡然又以母好靜居常潛伺戶外聽母警欬辨醒寐夜間母聲輒起至再三不倦如是者三十年遠近稱其至孝鄧氏百歲卒時九齡亦七十矣哀慟如嬰兒三年內有感輒泣與壯時居父喪異聞者悲之生平好濟人急而德量甚寬見婦人負

墮水身援之出途中爲擔擠落水田亦徐出之不校也年八十餘卒三子俱諸生

劉方珙增生砥行植躬教人先品詣著錄嘗百餘人侍父疾衣不解帶者一月母患脾泄袒服或穢污必親浣滌之極寒不以委人祁邑某以積逋鬻其妻方珙爲出金償之俾完聚如前親族貧乏者多周卹之卒年六十第方環恩貢生祖母年九十餘父母及伯叔父母皆年逾七十方環事之皆得其歡心父疾方環適他出心動卽奔歸兩日夜始至嘗習醫理地理謂事親者當並務此鄉有癘疫施以藥多所甦全卒年六十四子心如亦庠生

黃世義字公直父病凡八年世義侍湯藥候聲息晝夜弗離衣不解帶者嘗累月生平好施與矜孤寡助婚葬蠲逋

焚券無所怖道路橋梁每樂成之年九十卒子一金文繼
緒監生孫四人聲遠監生

王朝相字廷弼幼孤事母服勞不懈母疾禱天願以身代
平居以禮法律躬言不妄發目不邪視讀書苦質鈍嘗書
人一己百語以自勵居深山中怡然自適宗人某請其腴
田沃圃卽讓予之族中強豪見朝相輒肅然起敬年七十
卒子一孫恩隆入邑庠

胡朝崙字西陵歲貢生少有文譽知府謝仲玩見其文擊
節驚嘆內行修飭與物無忤田夫牧豎皆樂與之親鄉鄰
詬誶者聞朝崙至卽寂然諸惡少構爭將鬥見之皆慚沮
後官辰谿教諭性恬淡任一年卽歸杜門却掃惟教子弟
讀書爲娛年七十卒子三映治濟河步雲皆諸生孫曾皆

業儒

雷輝郢字荆山號黃岡貢生祖方旭鄱縣教諭父汝賢蚤
逝輝郢事孀母彭氏曲承歡心朔望焚香禱天願減已壽
增母算母年八十餘終輝郢學受之叔父永順教諭道衍
道行無嗣立弟輝都爲之後叔母唐氏老病癱輝都夫婦
事之至孝輝郢授徒所得率分飲之教姪如子其爲文辭
有家法尤精聲韻之學書法亦工所裁成弟子多擅時譽
生平好義尙古家近黃溪明月庵明王兆熊死節處輝郢
請學政表揚不果行則自爲碑刊於庵右著有荆山集藏
於家

周之棫號作人廩生幼食貧苦志力學詩古文有法善眞
書授徒養親父洵年至九十七乃卒兄之桂性堅復棫謹

事之終身無間待人和厚簡默無傲無狎嘉慶間知府薛
淇賞其文行延爲子師著有幾士文稿

魏漢昭字倬雲諸生幼孤貧苦至讀書不輟寒暑嗜古文
性耿介課徒自給罕至城市事母七十年甘旨供而自茹
粗糲母疾藥餌皆親調劑友愛兄弟教人一以正論鄉里
重之嘉慶初公舉孝廉固辭之暮年喪子窮厄日甚目眇
昏猶時時默誦經史不倦卒年七十九著有雲邨稿

魯希賢監生孝友溫慈力敵古處尤樂施與貧乏者輒飲
之粟一鄉賴以存活者甚眾憫貧家死喪不能殮預爲構
以遺之人咸稱其盛德妻黃氏同心爲善每以匱資助其
不給希賢年七十四卒子八孫曾二十餘

高仲顯庠生原名倌以字行家貧授徒養親兄分居不能

佐養又推助之兄歿兩姪貧甚教養如己子歲館家塾訓
課以經義爲先高氏子弟十餘人皆其所陶成者先是人
習專經至仲顯從其妻父劉烜獨貫通羣經故年少而學
有根柢其文章亦卓犖不幸其短命也子懷祺字謙六拔
貢仲顯早逝母劉氏守節教成之方仲顯喪時懷祺年十
四然泣極哀及長事母盡其力又逮事祖母皆以孝稱其
世父二子遠遊久無音耗祖母悲思之懷祺卽以母命歷
兩粵如是者三始獲之偕歸又嘗讓產以養兄以此得祖
母歡一日聞母疾返自塾夜走百餘里途遇虎不顧亦無
患母卒以節上聞請旌次子懷禮字訥齋歲貢生天姿
卓犖念母氏苦節乃刻意於學爲榮顯計在塾讀恆徹旦
不寐以故爲文獨抒己見不屑效時下華飾教授生徒以

學行並課與兄懷祺依依如童稚懷祺歿於塾時兩姪尚幼懷禮獨扶柩發喪哀感行旅長沙吳某舊館人也某死其子乞於市爲製衣履並推傭於他肆邑舊無賓興費懷禮倡募置膏腴百餘畝又彙邑中節孝呈請得旌趙逆滋事團結義兵以衛里閭敘勞得六品銜道光元年舉孝友義行人祀孝子祠所著詩古文詞稿多散佚

王好善字珍楚性端厚鄉里推長者每行一善輒自喜曰吾不虛此一日矣子士標孫宗會宗旦宗華俱庠生

劉俊字體乾庠生性仁厚訥訥寡言生平無口過兩江口溪水泛溢往來病涉體乾屢造舟濟年七十二卒子五醜庠生

謝繩元字達修庠生性耿介言動不苟閉戶讀書不聞外事父母喪哀毀踰常情聞者傷之及葬鬻產卜地不一委於兄年六十八卒二子俱業儒

王士達字道榮庠生居鄉雍和雖遇童稚未嘗有一欺慢語事父母孝奉養無違顏治喪獨力營措不以累兩弟兩弟家固貧旣卒各遺二子俱年幼而士達撫養之同於己出教誨婚配旣成立並以其田之肥沃者給之年七十二卒子二景福景祐俱庠生

謝承眷字顧予性敏捷髫年游泮工舉子業裁就後學皆一時選俊居鄉溫霽穆如春風遇爭訟婉言排解之族有饑寒者分館穀資濟債否勿計也年六十一卒

鄧楷字行之慷慨有風義持己待人一本直道言不輕發遇人競訟力釋之年六十卒子四孫十餘咸率其教

李廷聯字明所性質樸勤於檢持子孫皆率行惟謹歲時
伏臘子國柱前奉觴婦王氏執肴豆繼之肅然進廷聯待
飲食既訖乃退鄰里美焉同知劉某旌其門曰爲我訓行
知縣吳某曰砥行礪俗

劉煊字誠昭號素堂福田鄉人乾隆壬申恩貢候選教諭
先世自江西豐城徙家零陵父楨邑庠生母雷氏弟炯煊
斯婉皆讀書自好炯煊早世餘皆年七八十怡怡一堂至
老不倦外祖父雷無後其墓距其家十八里每清明必躬
往祭婦之且置田供其歲祀母之族昆弟遇之有加禮族
有徙蜀其先墓所在以時修葺之松楸有禁所遺姑姊妹
皆待之有恩紀有鄰媪與母厚者老且病時煊亦年與
也或饋食必親至其家俟食畢始返歲時往祀其師歐

墓輒依依不忍歸其焉於親故如是生平寡交游惟與高
垓周昌德伍之仁孫占鼈韓景元等往來諸君子皆優於
文行故始終相投合云遊太學時所寓主人贈以琴歸後
優游林泉時一奏之晏如也性矜嚴遇事義形於色旦晚
必肅衣冠講禮法出其門者類多修飭之士著有孝經註
釋卒年八十二弟煊字音昭號石峰幼逮事祖父母卽能
時其起居初佐耕年十五方就塾爲學刻勵以禮法自持
雖甚暑不去長服處極勞無惰容倉猝未嘗言色疾遽絕
口不談人短對穉兒村夫未嘗廢禮貌與人接謙和可挹
勤於往來而不輕受人饋遺嘗曰取與苟泛大爲身累也
無賢不肖皆矜式其行煊之徒無貽訾議者其宗鄰無携
蒲者雖僕從胥知自愛性好遊粵蜀江南山左皆身歷之

慷慨樂施與人有緩急以時濟之其父母晚年皆病目皆嗜書煇爲誦諷俾聽之以娛其心其門人詩文佳者亦時聞於父母熟古詩晨夕時誦之煇卽倚聲而和相與爲樂事兄煇如事父旣異居猶時分多潤寡無所恡學精而無雜沈酣九經歸於孝經小學至莊騷子史唐宋諸作者無不搜覽知府謝仲沅論湖南學者惟煇與孫占鼈爲碩望云教授莊日正湖北應山人也病革時無一親黨在者預舉所蓄千金授煇合存之以待其子蓋信之有素也歷主郡邑各書院首崇學而文藝次之程課按日時雖應酬煩勞不少曠門下成業發名者幾四百人而煇顧鄉試者十六皆不售僅需次廣文以終年七十三歿時爲癸卯八月十三日時知縣趙曾齡方與晤言於羣玉書院頃之溘然

而歿門人齊某病將殆忽曰劉五先生騶從何盛也且少待吾卽來其兄曰劉方健何言若是越三日而訃至甯遠張之鈞讀書嶽麓一夕夢與同學者具衣冠迎煇而煇適以是日卒煇凡三遇虎虎皆避去夜大風拔木壓其書室木枝互倒樁而煇無恙鄰居十餘家燬於火至煇宅忽風捲火他向煇之次子方瑚以教習出大興朱文正公珪門故歿而文正爲誌其墓長子方璿丁酉拔貢甲子舉人揀選知縣方瑚己酉拔貢鑲紅旗官學教習特簡知縣景璵俱郡庠孫昫優增生

張仁柱號月峰小本口人乾隆壬子歲貢年十五以通五經爲良學使之著按補郡學生凡諸子百家無不瀏覽而詳核之爲文根柢盤深動關世變勇冠父與

事生母楊族黨以孝稱諸弟幼孤力督之成歲荒時以館穀粗資閭里緩急無所恡不償且焚其券固舊家科名仕宦相望而仁桂獨數奇不遇以祿養不能致晚年生日嘗謝客蓋痛自涕責云游其門者率敦本勵行不惟文藝科第也年七十五終子二光煜庠生

高埭字明承號柳村小木口人舉人高榜之孫高燭之子初吳三桂寇黨略永殺燭兩兄且擄燭至雲南彌勒州羈囚者十年一日燭禱神求歸遇異僧示以期且曰汝羈不忘親將有厚福及歸生四子埭其長也其三弟異母出及燭卒三弟幼埭課合讀而獨綜家政毫無所私事繼母張庶母楊皆如所生出入必稟命侍疾不解帶而兩母亦視埭若已出以乾隆甲子舉於鄉時年四十六矣以科第遲

故不及仕進然語門內行則鄉人羣尊仰焉二弟及子彌

高孫甯俱庠生

高文元廩生陽東山人幼好學敏於文日可十數藝見者驚爲宿構入庠食餼舉優行昆李六人友愛最篤事父母定省無間父母歿遇生忌日致哀致敬嗚咽爲孺子泣沒之日沐浴具衣冠詣家廟拜奠既訖端坐而逝

劉繼寬字宏德優廩生性孝友凡供給父母一切皆竭身運致不諉於貧父疾夜禱北辰求以身代父喪已六七年遇生死忌日猶歔歔嗚咽一本假山父素所珍翫者對之輒愴悼且作長歌以寫哀痛母壽而健寬日相依如孺子遇有所欣愛之物必陳於母與兩弟友愛身知縣冀方焜高其行贈母以銀幣寬爲詩謝之人多傳誦寬自爲諸

生科歲試輒冠曾於詩策尤長云

黃瀚字匪安庠生禮塘人母氏沈妻唐沈病而唐亦病力疾待沈湯藥及沈愈而唐劇將歿瀚曰汝爲吾母直以身代吾誓不再娶以酬汝及唐卒瀚時年二十六父母兄弟勸之娶不應又屬星士以其子不壽恐之須娶乃有繼生者竟不爲動後其子以文章名既入庠將請於當道以彰其行瀚曰如是是借汝母以爲名矣堅不允瀚祖父皆好善兄弟五人皆務施濟遇人急傾囊助之歲製百靈膏並小兒丸以濟疾者瀚初入塾卽刻二語於木簡云欲爲天下不可少之人當做世間所難能之事蓋其志趣固如此卒年六十六弟淮字濟川事親至孝盛暑必取水以潤其所居季弟病走數百里爲之祠禱至省城市爲善之佳者

淮精於醫有求治者不計遠近往應之旣痊不受疇遇貧者並施藥餌有貧困而嫁其妻者已成約且受金矣淮聞爲如數償之而全其夫婦妻弟卒遺孤二歲爲撫之成人淮初未有子至五十九先後生二子人以爲積善之報

張仁樂邑增生字融齋北鄉小木口人性孝友父癱瘓時嘗授徒於外每課經藝皆口授仁樂書之日扶掖上下床夜則抱其足而卧澣滌械膺皆親之伯兄歿家貧撫教其姪如己出其學先倫紀而後詞章歷試輒高等遠近從游掇科第以百十計子四光曾光輔鄉舉光懷光環庠生嘗暑月諸子進小瓶酒角豆一盂慨然曰人家幾絕食我何福猶飲也其實性誠厚如此光曾字省齋淫於書子史經傳能記某卷某葉隨所指不爽善屬文累數千言援筆立

就性節儉非養親不市甘旨乾隆甲寅捷於鄉由大挑授
教諭歷任茶陵衡山所在得士心著有一餘齋文集行世
光輔字可坊似癡家塾去宅數百武往返嘗不識路徑然
讀書輒目數行下及長遂通貫淵博入庠後友教鄉閭從
游多名下士性落拓不事家人生產兄勸之則曰彼贏金
何如一經之所用不盡也領嘉慶乙卯鄉舉四試禮部不
第以大挑授武陵訓導陞新化教諭比歸囊無餘錢惟圖
書數卷年五十八卒有漱澗窗遺草行世孫明詠光懷子
字紫瀾幼聰穎涉獵經史一目十行十三爲文有奇氣尤
工駢體弱冠入郡庠屢考居上等中湘陳漢卿以國士目
之鄉試凡十一越三薦未售性孝友年二十六卽喪妻或
勸之續曰牀第之情深卽定省之儀疎不欲以彼易此也

教兩弟程課嚴而意和巽兄弟自相師友兩弟學業皆其
所陶成者年三十六歿著作多毀於兵燹僅存紫瀾遺草
律賦行世孫明詒光輔子字子宜少孤貧將輟讀爲買販
以人多輕侮復業讀日夜苦攻久之文名噪甚弱冠入學
道光己酉登拔萃咸豐辛亥舉於鄉性脫略與人無恩怨
事母至孝力供甘旨嘗就鄰借斗米則以八升易一雞供
母膳母患腹瀉值夜或牀蓆污穢不可寢而時復嚴寒則
以己所寢者易母而身與妻抱子女坐以達旦人皆以爲
難主講羣玉書院從游多賢達者課子不尙嚴切能使學
業日進五試春官不第以教習授知縣尋請假養親年五
十三卒著詩文集待梓其律賦附紫瀾遺草行世以下新編
何兆瓊字崙枝原籍安徽青陽以父聽鹿客江華縣幕隨

取膏腴遂家焉性篤孝後聽鹿客游山西洪洞瓊徒步往
 返數千里凡兩次始迎而歸家富於貲而性喜賙卹人微
 之族姻至者如歸返則有贖就居則為置業因瓊而厚獲
 者不可數計遇貧乏尤有恩紀每歲暮給丐者糜臘資遠
 近合千餘人人各數百錢行之終身不勸嘉慶間年饑所
 積米數百石悉減價出糶親友有不給者饋遺之邑有陳
 某者食糶凡數百幾不舉火為遺米十石濟之有告貸者
 不少吝其償否聽焉然竟以此罄其家意夷然不悔也妻
 張氏內助有賢每壽俱八十四卒子若春從九孫一長瑞
 齡邑庠

朱一孟字賢生補田鄉馬鞍嶺人家富以儉白持而施與
 則不少吝乾隆間大饑穀米騰貴一孟出所積倍減值以

糶貧民貧者留餐全活甚眾辛未年秋某與木貨其家
 百折歸歸善走猶不能償欲焚其妻聞之急返其券止
 鄰何某多所積貧賈以牛贏其以而失所在逾數年牛
 將其二子歸遠近稱異之年踰六十無故不茹葷非大
 不衣綿內外事皆親為之子紹文邑庠生一孟性剛直事
 之無幾微忤兄弟五友愛之聞言長見早逝遺姪僅半歲
 撫之成立排解紛難不畏強禦邑中憚之從季弟登任
 捐馬鞍嶺田二十八畝資學三書院膏火士子賴焉某國
 鉅學萬超事親先意承志篤友愛析產時田舍多寡多
 借貸或不能償者即焚其券嘗捐八萬錢助建三聖宮為
 士子講習之所城東蒞江橋傾圯倡捐田畝以資歲修性
 耿介一日暮聞路中拾一囊舉之沈重不啟視待其人而

得之其人問姓名不告而退卒年七十八子二孫三戚業成采俱邑庠

周大祿字伯廉北鄉奉義里人六歲失恃同母弟一繼母第三父母性亢嚴偶有怒爲跪而泣請之務期愉悅兄弟意趣亦殊或相尤爲一言曲諭致親愛乃已由乾隆初成童更四朝家近百口然後析著孝友之譽溢於里門有同姓諸生某中年殂謝婦醮子且幼家貧如洗大祿則躬肩志者輪旋而撫養之課讀畢婚及生子而某子又故復撫其子爲婚娶之如前子沛霖郡庠孫善述邑庠人咸以爲積善之報云

蔣之香字廷桂高溪司人少失怙事母色養備至妻或拂母意必痛責之性友愛昆季四白首同居怡怡式好以親賈既羸錢悉以進兄及兄歿析居則多予姪產相傳香賈漢鎮時拾遺金訪其人還之漢固狹斜地然未嘗一游及之妻喪不娶鰥居數十年卒年九十餘子一孫三曾孫十餘人

蔣斐若邑庠性和平好善單江深溪諸石橋皆所倡修里中爭端悉力排解或出貲不悛也喜善書凡先輩格言皆手錄積帙盈筭以遺後輩嘗曰以田地遺子孫不如以書言遺子孫爲可久也

唐德秀字毓川府學生少英敏爲文多古致尤長詩賦以疾輟讀業醫著醫方袖珍傳世用藥所投輒效嘗診人脈凡病在數年後者能預斷之旣醫不計酬貧苦者且貲以藥餌喜善書曾刊航中帆勸世

蔣摺升字敘笏監生生而穎異善屬文名輩多賞識之事親孝父歿家政犁然不改其舊母病日延名醫診治湯藥皆親進如是者數年母歿哀痛泣號感動閭里與伯叔兄弟處終身無纖芥嫌好施與鄰族匱乏稱貸不吝不償則焚其券歲歉凡遠鄉行旅工匠至家必留食而資遣之橋梁道路多所修造或凌侮之含容不校蓋人所難能者子恆字月如太學生常赴省試適邑人陳敬恭病痢危甚鄰人畏傳染多避徙他所恆時與陳異寓既初試出聞其病卽往視藥餌不更入場越七日陳卒爲棺殮之護以歸雖妨試事不憾也卒年七十五孫逢潤字海潮孝事父母家頗饒旣中落則授徒以養嘗館於外每出必依戀嗚咽歸亦如之年二十肄業綠天庵讀論語至父母唯其疾之憂

章汝家人傳其父母語聞近狀遂...
 愛情見乎詞曾孫秉圭已庠

蕭旦臣字明旭少躬耕養父母中年以服賈衛生計喜施與貧者周之秀良者資其學嘉慶乙亥鄉鄰患疫旦臣沿門問視餽以藥物人以爲難橋梁道路殫力修治行路間見人塘堰有罅漏輒爲直塞之其隨地濟人多類此年九十三無疾卒子步雲號敦甫邑庠生事親極色養母晚年患痰夜咳不寐步雲侍卧起衣不解帶者數年母逝時旦臣年八十一矣雲陰飲泣而對父事愉色以慰其心及旦歿雲擗踊號泣營動鄰里歲明年以喪毀卒步雲子宜之及德...
 事母亦孝母病時於神願以身代...子德溥爲母所鍾愛及德...外異鄉竟之與妻...
 悼之不以聞於母

事母亦孝...
 及德...
 悼之不以聞於母

雲歿時諸弟尙稚爲撫誨成立弟病請某醫不應則懇求之而親煎藥以飲歲暮嘗袖金以給貧者道光甲午饑出藏粟贍鄰里不濟則謀諸妻典簪珥以助明年復然里中子弟質美而不能讀者多方培就之少爲王媚川周祚勳所器重心甚感焉後祚勳遇難聞之力疾奔救及歸道卒黎士首少孤性勤敏能候時轉物營業賈以贍家事母自盡誠禮強幹能任事初修府城隍廟數年始畢功皆獨力爲之費用有餘卽以贖貧乏卒日集諸逋負併出其妻焚之眾爲感泣子承煜幼警敏博學通經史然阨於遇久之遂自放於酒家以此日貧晚年乃授徒自給有四子課之甚嚴次得盛三得亮尤以才略通顯於世

李二西西鄉黃泥橋人性孝友兄某奉父徒曾遠時二西

年十三卽隨侍與兄怡怡無間言父常患癱二西時方賈乃輟業以奉藥膳如是凡五載與人交坦易無城府然遇不遘亦直言無所徇一鄉引以爲重數十年無爭訟者卒年九十三

唐一禹字爾湯北鄉山橋頭人性寬厚爲縣吏遇爭搆多勸息之所居里無訟獄者殆四十餘年家頗饒輕財仗義或借貸不能償則焚其券族中賴以舉火者二十餘家至捐修橋路尤數行之迄老不倦

顏有庭字廷用高溪司北安里人少貧服賈養親愛敬備至堂兄有華客淮北二十餘載有庭往尋之偕歸且請父爲華娶妻而分給產業焉胞兄有榮早世撫諸姪有恩紀長姪魁樂施濟與庭同志鄰某偪於債欲嫁其妻魁捐

質保全之凡賑賑族戚助修橋路皆慷慨爲之不勸有庭年八十五卒子三宗典邑庠

黃元龍南鄉橫江山人家貧事母孝年五十餘每夜寒必身溫被俟母寢方寢子世利有至性逮事祖母祖母病齧手指血書疏禱於神請減己算以增祖母指爲枯瘠父子純孝相繼出自寒賤殆天性使然歟

蔣龍緇郡庠生幼貧甚晝負薪夜則讀書年三十始入庠越年乃娶婦修檢清厲日以功過錄自課性至孝母病癱寢輿扶掖凡二十餘年父母繼歿悼思不已號泣時取淚研墨自繪雙親圖懸於堂壁日奉侍如生圖有題句哀韻激徹動人心脾至今傳誦之壽八十有一卒

高悅頤貢生北鄉小木口人體貌魁梧博學工詞翰天性篤孝方肄業書院所家甚遠聞母病卽夜歸獨行無所畏阻母晚年患瘋疾時悅頤已年老矣一切飲食盥櫛皆身侍之不委於妻子其孝思蓋老而逾篤云

周昌後貢生居仁里人好施予歲終常製絮衣數百以濟寒者或貧不能葬爲棺以殮又聞漢陽敦本堂備諸義行心慕之命其子毓英往襄其事凡捐金五百兩毓英庠生性仁厚及父歿綜家政尤慷慨好義有父風遇歲歉計里中窮苦者按口賦食粥賑不自存者悉贍養之嘗捐出壹百六畝零於濂溪書院爲祭祀膏火之資

蔣元何南鄉人性友愛事兄若父兄遠出及期不歸則延坐無停趾及見則涕泣夜必聯床寢兄患病湯藥必親侍衣不解帶者凡三閱月兄卒號慟死而復甦者再月長

生春附貢生

劉宗敏天姿警慧年方幼經史百家靡不通洽以試赴郡
路遇日者謂曰君命蹇薄無兼全者此試如得名後卽難
得了矣宗敏曰科名身外物也不孝有三無後爲大乃不
試歸後生子年八十而終

蔣作球南鄉承平洞人父方沛患痿痺時母已先歿球獨
力服侍常從父寢不入內室父又患瘡疥癢甚球每夜爬
搔俟寢醒乃止瘡潰血流溢並時遺矢溺球爲數澣滌不
嫌穢污家極貧然每食必供珍膳如是者十餘年先是方
沛嘗從和陽郭某學郭患是疾日嘗卧不能運動血涔涔
汚床褥時方夏方沛爲洗滌朝夕進藥膳累月不懈及作
球侍疾復如此人以爲敬師之報云

胡承坤北鄉梅溪洲人積學未售於世入貢之翌年
夏最孝敬每晨衣冠同拜十年不替其敬如父如母
後日分供午餐甘旨必備尤善書勸人以此負重債
鬻產乃償族遠祖坟墓贖受者皆重德年高者每
歲存問饋送不絕年七十餘卒子五光儀光顯國子生光
斗邑庠

唐三倫號敦圃北鄉人父貧業漁往至孝父某買
四川久不歸倫往求之止至其家歸屢苦盡乃求爲人
牧主者感其孝止之厚贈以行一曰能通舍聞有鄉音來
者疑爲父詢之果然相持大哭遂迎歸家後以終子黃裳
以拔貢歷任福建侯官館游經學三倫時注侯官布
衣草履若爲旅行者語訪其家以爲後世書居歲日而

返卒年八十

謝士蔚號霞軒慶源里羊角井人性孝友母疾危親爲嘗糞冬夜溫被十餘年如一日事兄奐如如父析產田園屋舍推多取少咸豐己未督學胡瑞瀾以篤行可風榜其廬旌本陞慶源里大木塘人父久病嘗遺矢溺汚床褥陞母爲洗滌夜則隨寢無間寒暑凡十餘年父歿旣免喪久或道及之猶涕淚不自勝云年八十二卒

唐三泮號鳳藻北鄉人三歲失怙事母孝溫清無曠職母歿號泣動閭里過堂兄弟如同胞生平輕貲財好行義舉冬施棉夏施茶津梁道路倡修不懈尤精岐黃延視必在子二長珮瑤邑庠

周士琦號培園縣學生事孀母至孝歲授徒於家一夜更盡聞有大呼士琦名者啟戶無所見駭甚返內適母以驅鼠升樓墜地氣幾絕士琦急掖起泣且禱乃甦人以其爲孝感所致母年九十餘請旌士琦徵諸名流詩表暴其節爲刊傳之卒年八十四

鄧伯義福田鄉人移居甯遠清水橋妻唐氏汲水得遺金以語伯義待其人而還之其人分半以謝固卻不受子三富樂行善事凡橋梁道路多所捐修遇人有忿爭力爲排解鄉里有善人之日當年八十七卒孫炳南歲貢曾孫喜霖邑庠

高佳字毓秀生平多義舉竭力延師課三子讀子懋柏字翠庵入邑庠性脫略工文掌教嶽麓羅典雅重之有翠庵遺稿行世

高儼字人望邑庠陽東山人性方直敦本篤行女夫湯炳
冕死於粵時女年十八勸以守節及其翁姑歿女無依乃
迎歸終其身卒受 旌焉

黃學秀邑庠生有膽略道光十二年趙金龍滋事人心惶
亂時秀從甯遠歸具狀於縣力破妖議以解惑從者奉縣
檄偵探賊情秀圖陳要害兼征勦方略上於臺督撫喜甚
卽令募勇屯馬鞍嶺堵勦之一方安堵集有五經經解三
十六卷待梓

周法濂字蓮池冷水灘人生而俊穎博通經史就試見諸
生所爲時文心厭之遂棄制舉業以詩畫自娛間爲古文
亦有可傳頌者性孤介不妄取與好面論人過失甚則怒
詈故有遺行者皆曰毋令周君知也容儀修敕對人終日

端坐不勸盛暑不袒上衣嘗謂男女居室天下至褻故終
身不娶寡交游不喜諧當道力貧自守嘗卽詩見志著有
寒螢吟集藏於家卒年七十八

胡忠高字伯可蔡家埠人少孤外祖欲奪母志忠高哀慘
銜之遂終身絕通問家貧藉貿遷養親幼頗讀書暇嘗手
通鑑閱之能心識其義生平動法古人無少過失性至孝
以父早亡甚哀感不茹葷酒而奉母甘旨無缺母疾百計
營療痊可乃已比卒泣如孺子見者惻然族弟忠富父早
歿見虐於後母忠高爲請於母而收養之不信因果而一
切有利於人者固不傾資以助至今猶傳頌弗衰云子希
媛以舉人授廣西知縣

熊時龍高溪人性敦厚服賈養親慷慨好施舍親友貧乏

孤寡者周恤之甚力每歲暮時袖金行里中遇不能卒歲者予之且戒勿言嘉慶乙丑歲既熟願於佃耕者各減其租之半使買以贖來歲恐或不給也教子甚嚴隆重師長子世鵬號南峯邑庠性篤孝時龍歿廬於墓左終身不去其庭樹常有鳥來巢咸謂孝感所致事母惋愉承順妻氏趙偶違其意亟欲出之誓悔乃已兄世範係異姓入繼者視若同胞兄艱於嗣爲置妾旣生子卽歿又撫姪至成立初時龍於高溪置義渡歲久漸廢弛世鵬復倡捐增上下埠及紅牌樓三處渡船且置田廬爲久遠計歲癸卯火鄰舍延燒殆盡世鵬居獨無恙人謂爲善之報云
蔣自強家貧事母孝每負薪入城易魚肉供母母病篤爲嘗糞以卜差否少與兄同寢其被水棉所裝及娶謂其妻

曰汝被綿較溫曷以爲兄水棉彼獨寢必怯寒也妻喜從之卒年七十八子乘陽郡廩生

唐時昇號珠圍例貢生家饒裕而務施予或求貸無弗應者道光間歲饑民不得食時昇爲減價糶所藏穀盡復力請縣令開常平倉濟之全活甚眾十二年徭逆滋事時城中兵力單弱當事懼甚時昇爲出貲募勇助守禦民以安堵事平大吏旌其門局量寬和有村農某面呼其名若弗聞者子四長名遠縣丞次璟附貢孫八錫齡由附貢捐貴州經歷補鎮遠知縣加花翎知府銜

呂善元號靜齋秉姿英異由歲貢選教職以親老不赴弟二仲膺廢疾待之數十年如一日季客死招其子歸教養幾至成立不幸又卒性婢潔不苟取與教人先器識而後

文藝主講羣玉書院十一年受業者皆華實並懋同治丁卯以恩賜登賢書子載渭廩生早逝孫四躬自撫立卒年九十七

梁靜庵字志仁曲阿人性忼爽識大義鄰里有爭端剖以一言皆俯服遇人急難重金以解有童某應督學試先期手數百金屬爲夤緣靜庵受之給曰汝第剗心文藝毋再問也某忻然入場文成甚速且佳及榜發果雋翌日來謁反其金笑曰伊汝文之力我何能爲也某感愧請以半謝嚴却之道光辛卯搖變出貲募勇命長子綬祖率之助守戰事平以功給六品銜綬祖旋加捐知縣補授直隸容城子二次晉國學卒年九十

鄧永康字壽山邑城人幼積學無所售而敦厲善行不勸嘗刊印文昌孝經每延師課子弟卽屬以是書並爲講說又嘗施膏藥患毒者敷之卽愈每煎製時必致齋三日蓋盡其誠潔也敬惜字紙見街巷有棄置者必檢歸每場試畢卽爲檢拾歸滌以清水俟乾而焚之壽八十三子秉清歲貢生成豐九年以軍功保訓導

屈國智字仁山邑城人性倣儻敢任事咸豐九年粵逆石達開黨圍城援兵至自西河不得渡國智率人肩門扇編橋逆之是日戰勝殺賊無算事後論功堅不受諸大帥益器偉之

陳壽田居北關外從九銜好義舉橋梁廟宇多倡爲之咸豐九年粵逆攻城壽田簡團練備器械爲堵禦計備極勤勩圍解予六品銜子嘉賓邑庠生

劉試采字素源性剛直嗜學工詞翰以縣試第一入庠鄉
試凡十九屢薦不售精四子書講義多發前人所未發館
東邑三十年多所陶就時俗試入學者每重貲酬其師試
采家固窘然未嘗責酬於諸生曰此道義相與也壽八十
二終子璜工書以經古入庠

梁謙泰字吉來邑城人弟昌中早逝子二長八歲次方襁
褓弟婦白氏守拊之家殊窘賴謙泰時給贍之妻氏陳亦
賢慧凡有賙恤必先白曰爲悴苦尤甚也及白以節獲
旌皆謙泰力爲之子養源郡廩生

朱世卓號溪山福田鄉馬鞍嶺人年二十六喪妻子甫六
歲躬自撫養時弟婦並歿乃爲弟再授室或勸世卓娶曰
有弟婦主中饋一子承宗嗣足矣娶爲卒年七十餘

廬東曉字旭齋例貢生事母將極孝家貲豐裕樂爲善其
師高鵝山老而貧調之終其身鄰居節婦某冬苦寒爲棉
衣贈之有家貧幼力不給將鬻其妻者東曉爲募錢穀
周給之夫妻以是得全澹山建石橋嘗捐三百餘金以資
其費子禹隲孫應駒庠生

鄧名利字見若例貢生上辛里人少以勤儉起家性伉爽
樂善津梁道路多所增修建亭施茶並置田爲經久計鄰
里貧病者藥之死則棺瘞之終歲製絮衣以衣寒人生平
所費不下數千金而家道日起蓋爲善之報子二長德裕
字綽然例貢生性孝友好善有父風所需或不時給則舉
債濟之道光壬辰趙金龍叛德裕時募勇堵白水嶺賊不
能進繼隨官軍勦賊平以功賜六品銜嘗刻文以孝經

家寶全集行世次德涵字靜軒例貢生性剛直遇事敢言不避嫌怨喜施予能世其德德裕長子正階字星平優廩生援例授攸縣訓導課士先行誼而後文詞游其門者多端士咸豐初以假歸時粵逆犯境郡城戒嚴知府黃文琛屢辦軍需正階殫力營厯軍無饑潰越二載復任以母老致仕歸家居一年卒先一日晨猶力疾至母榻前問安否歿時則向母而泣無一言及子孫者其孝行純篤如此子學城貢生學珍庚午副貢

黃裕璋邑城人父姓蔡以出繼遂冒今姓叔某貧無賴璋日奉錢百文米二升稍拂卽怒詈璋曰汝非黃氏子也吾將逐汝璋悉容忍之而所奉不爲間有幹略喜排解邑人唐時昇購某田數畝除夕某忽裸身塗泥入時昇家勢洵洵將不測璋往引歸給錢米遣之子四崇壽入邑庠

周友進字拙修性孝友母晚患痿痺百計莫愈友進沐浴焚香籲天丐命久之母忽曰予病固不起上帝感汝誠得弛期至秋涼矣卒葬青山橋距家二十餘里每至墓輒悲戀不忍歸友進有三弟友鵬友昆旣少失怙其二弟皆所拊成者友昆嘗得心疾友進爲遍求醫學或憫其勞則曰弟在一日卽母心安一日也友鵬長子官幼聰慧友進愛如己子而督課之綦勤官領庚午鄉薦皆友進力云壽九十子三季禮郡庠生

郭紹清西鄉火燒橋人事親曲承意旨年六十餘時比冬寒猶爲父溫被其純孝如此年九十卒子鳴鳳郡庠生王在鎬字振西馬尾山人幼失怙事母以孝稱遠祖墓多

燕沒爲搜訪之各樹以表更捐資祭掃爲經久計歲暮給貧人錢穀不能葬者助以棺所在橋路多所倡修卒年九十二子恩隆字綬堂嘗逮事祖母祖母疾泣禱於天請減己算益之一夜夢神曰爾孤非可短年數者然鑒汝誠且增爾祖母壽三於是祖母病起更三年乃卒恩隆年十九入郡庠屢列優等友教五十年藉以成名者指不勝屈子四長齡季丞俱庠生

周景龍業鎔金有遠商寄銀三百兩更他往道死後其子至不知也景龍取以還之封識宛然爲人寬厚犯而不校年八十二終子天鈇孫開鼎監生開第庠生皆有家風

魏六字字躬自節嗇而濟人惟恐不及歲歎率家人我恐獨飽邪既秋穀登隨出糶立盡大受祖

父皆諸生故教弟子甚殷禮敬師長久而不怠其舊師之貧者猶延致於家養之雖士夫無以過也年八十七卒子彌新監生彌捷庠生孫四人俱業儒

蔣濂字厚山號拙軒事母孝謹至老不衰母多疾終身不外出日授經課士暇卽歸省主講濂溪書院二十年成就甚多如蔣雲寬熊光大先後以甲科顯生平堅確自守慎默寡言教人務勵名節待弟姪有恩紀妻歿不再娶見重守令然絕無請託先由歲貢就教職嘉慶元年徵孝廉方正賜六品秩大吏以學殖行修旌其廬濂少時隨父外游渡江墜水瀕死者再皆以救免後迄六十六歲而卒鄉人以爲忠信所致自濂卒講院曠弛士多思之著有心竹軒詩集式古編等書

孫宗茂號調元進賢鄉人性忠厚以孝友聞好周濟貧乏鄉鄰待以舉火者數百戶無恆產者資以貿易里中由是少游民某歲大旱米貴出穀三百石貸鄉人不取息及秋多不能償者竟置不問大廟頭河梁三渡壞於水輸貲修復之更置田爲經久計祁邑木客負金六百病卒憫其貧取券焚之並厚恤其家有爲竊者婉誨之使改行而諱其前事不以語人崇敬師儒里中劉大年館於家修禮無怠同學生貧不支者助以膏火大年家固貧以選貢北上率宗茂資其行大年旅京十餘年其家常仰給焉比大年歸且歿厚賻之且爲封墓歲時率子弟致祭終身無缺禮卒年七十一喪日哭者數百人子二克繩郡庠克配國學孫十一長昌後同治壬戌鄉舉時年已五十矣相傳先一年

除夕昌後夢其師大年與勞苦若平生曰明秋汝必領鄉薦其文當主誠字醒而記之屆期入試其首題爲其事上也敬二句昌後從其言果捷羣以爲隆師之報

胡國漢唐爾朝楚江墟人兩人家相若也有善行卽並力爲之始終不間以故鄉間義舉多二人倡者廣西寶慶兩大道自嘉慶間傾圮無修葺者行旅困乏二人於是走數百里庀材程工或不足則募於眾歷年餘而兩道成今其子孫多在庠好善者咸舉以爲勸

胡漢昭號載颺縣學生北鄉梅溪洲人爲人重本原事父母孝待師長誠敬少從張仁樂遊事之如父仁樂歿值生忌日輒沐浴焚香禮敬如生前好排解紛難館祁陽時有因錢故構訟者歷十餘載不決昭暗出館金數十以釋之

當事俱不知錢自何來也年六十餘夜夢輿馬僕從云迎
作某縣土神醒以告家人誌之越數日無疾而卒子搢貢
生孫紹宏廩生曾孫達南郡廩生

楊廷才字佐卿北鄉存樸里人慷慨有大志少孤貧撫諸
弟成立長兄用四弟煥俱蚤世無嗣爲立後且分以產好
善樂施所在橋梁道路皆其倡修黑狗灘建置義渡力任
其事又立古塚碑數十性公直里有爭端一言立剖物望
咸推之疾革時以存天理作好人囑其子孫他無所言也
卒年七十餘子二長榮森邑庠出繼堂弟次茂源保舉教
諭加五品銜孫七志倬廩生

李向榮字台樹福田里大深塘人慷慨好施里中貧不能
葬者貲以棺殮欲嫁妻者爲保全之至修葺橋梁道路建
茶亭其事多爲人所傳誦子二三槐三松國學生孫五世
芳世德邑庠生

諸筆豐州同銜馬鞍嶺人事母孝母病瘵三年晨夕上下
牀皆躬侍之湯藥必親進不假奴婢友愛異母弟終身無
間嘉慶間年饑出所積穀減價糶貧民全活甚眾捐對達
坪田十八畝助邑人士賓興之費佃民某素無賴故逋租
以爲衅豐置不校後某亦感悟請償其租豐曰汝能如是
是區區者不汝責也卒年七十八

胡制宜字度齋北鄉梅溪洲人例貢性忠厚鄉鄰有爭角
力爲調停好周恤貧乏每歲五六月間宗親不能舉火者
量爲假貸甚者施予之貸不能償則焚其券

蔣澆字叔質邑庠生食貧守道不干涉外事同居有爲人

營解而私獲金者或擲掄之濱但默不言也嘗適外甥王
某其妻請以饋遺濱曰人貽甥以苞苴吾貽甥以詩文吾
所贈多矣其清概如此

王仕吉字謙益花橋人少失怙家貧母再醮仕吉隨之然
事母謹母疾經年醫藥皆躬奉之久而憊及夜則慮其睡
酣母或呼之不覺也時方夏乃袒身卧帳外藉蚊以警之
尤精於醫道光乙未里大疫歷比戶診之全活甚多乞丐
遠人亦獲濟焉

黃一梁北鄉明塘人篤於孝友母患瘋疾服侍湯藥衣不
解帶者幾兩寒暑同堂弟某少失怙恃撫育成入爲之娶
妻且置產焉道光乙未一梁客滇省之幕南爲佃礦金也
幕南屬蠻徼時同行二千餘人推梁爲長適變與漢幾構

大變梁請往和眾危之梁曰不和則二千餘人休矣
獨存遂往盡歷危險始獲歸所加百端皆梁力也
乃感動敦好如初後與同伴分金有餘金百餘遺梁
眾不知也併出分之其不欺如此子蔭槐庠生
龍玉均字秉衡冷水市人性孝友父卒水漿不入口者三
日哀悼動里閭家頗饒族中貧乏者悉贖濟之地方義舉
多爲所倡成

王金鼎字汝梅候選理問冷水市人里中所稱孝子者也
爲人端厚一言行必執於禮事父母左右扶持未嘗一日
離慶弔往返經宿者卽不避寒暑九十有餘疾苦臙穢
爲日夜滌濯不一語家九年餘始愈後復病目嘗訪名醫
數百里外多方醫治及醫見其行狀感其誠願承如所欲使

父若未盲者母高氏年八十八久病氣血枯耗中結或四五日始一矢時急不能下或潤以蜜汁用指甲徐出之夜臥於側不解衣聞衾幃微動輒起視之有疾則手承之晝則坐牀前以此是不履而步者三十年平生多義舉如建廟廟橋梁親董其事而未嘗食其公家錢借貸不吝不迫償有積勞悉燭之同治初舉孝廉方正堅節之年七十後能於燈下親蠅頭字書丹履歷等事如仙中人壽九十二無疾卒年五子俱年七十內外孫曾百餘葬時號泣門觀者嘆羨里中私謚爲孝正先生

蔣作傑字漢三以家貧業賈其肆距家八里許因母病癱每日暮必歸省爲整理衣衾率晨具飲食畢始返學至用雪無間凡十餘年母故疾復發猶仔慎嘗獨往宿護然無恙廬夜深有虎卧於側以爲犬也叱之不去及晨起視其跡知爲虎亦不甚恐次夜仍倚喪宿年九十一卒

盧學治字民安兄弟凡三幼業讀繼棄去治生產性固通敏諧植溉又勤苦等傭作田苗繁碩不數年家大起及仲兄濟時補諸生心喜之復治舊業一年亦入庠旣以家事付伯兄子史垣則語婦子曰史垣方直我尤憚服之汝輩當無違忤也於是家人肅然幼聘卜氏無何卜以疾形痾然而寢家人請辭婚不聽卒娶之生子一奉友乾性至孝父病劇爲文禱於神願減算一紀以延父後病果愈逾十二年乃終

劉勳廩生幼積學有至性母病疫躬侍湯藥不以妾妻子及歿哭之哀淚盡繼以血復爲病染未幾卒

曹永禡號濟川少讀書有大志里黨稱之道光十二年錦田汛徭逆滋事投某帥麾下以平寇敘勞得軍功八品留掌左營守科文移錦田汛係兩廣要隘徭出歿無常兵寡而食且絀卒難防禦禡建議增兵四百並援鎮筵成例每丁加折銀貳兩獲允行兵民感而私祀之至今不絕禡兄弟四長永富從征鎮筵陣亡祀昭忠祠永祿永祥壽各八十一俱稱爲長者禡年七十八卒子二長世興縣學生以咸豐九年防堵府城論功授訓導賞戴藍翎次世鎮邑庠生

李再術隆慶里人性最孝父本材耄年喜游覽然艱步履再術躬以籃輿昇之以博其歡子如模亦有孝行如模子尙喘復然如模存日從不外宿與戚里讌會雖數十里必歸有過失被咎不怨

李順景辛興里人居鄉賢寺側母病痿二十餘年事之無倦

眭正鑽字玉成號方圭孝悌鄉人少勤學經史外無所嗜好然屢試不能補諸生人多惜之事母黃氏至孝母患風手足不仁爲日夜扶掖未嘗離如此凡四年友愛兩弟爲之授室妻喪不復娶時年甫二十也

楊發達字維明隆慶里人幼喪父事母熊氏五十餘年不離左右母歿哀悼幾至毀滅鄉鄰感歎

庾寅谷花橋人三歲失恃爲繼母所撫性篤孝事繼母能得其歡父性嚴一日侍從郊游父問一事猝未及答卽手杖逐撻之至跪請移時乃已父年八十餘患臂癱經月膿

潰寅谷常爲甜吮久之竟以此不起寅谷哀禮盡致葬後設位於寢朝夕問視供食若生平如是者三年

庾作書花橋人事父母孝敬無違一日有白鳥入室未幾而作書歿人以爲孝感所致初業儒以數奇改習醫尤精眼科貧園者遺以藥全愈甚眾歲入稍贏輒以濟寒悴孤獨者然往往託於他人不自名也友人貧且死則存恤其子女初以此家業幾盡而行之不倦後子以儉積貲廓於舊人謂好善之報

黃正信孝悌鄉馬橋人性孝友嘉慶二十四年父兄以坟墓事斃族之强者時正信年十八方讀塾中間之歸告父兄請代未允卽潛詣縣白承令某上其事於臺嘉其孝友獄具從輕遣發道光元年以赦歸爲人謹厚善居積歸後

數年成巨富焉

鄧丹山東鄉人事親無言色遇母患痰每啗輒以手承之凡二十餘年鄉里稱其孝

盧學淑縣學生承平洞人性誠孝年十餘喪母至以頭觸棺號痛幾不欲生比長言及輒泣下善事父家極貧每食必供時鮮物父患痰疾或卧而啗則以掌承受之父歿哀痛如喪母時繼母劉患目疾禱神延醫尤爲周至嘗授徒以劉故弗外館遠方聘者俱卻之終身未嘗離側劉卒時淑年已六十矣猶哀泣如孺子間者惻然道光十五年旌表入祀孝子祠

楊靈字青園北鄉存樸里人邑庠生性謙謹好施予精岐黃術有延診者必往貧困者助以藥貲尤好吟咏著有青

園詩草待梓卒年七十八

奉正昌黃陽司人生平戒殺買物放生歲行之不倦治家有規法子姪或失行卽長跪自訟請改而後已卒之日躬自沐浴召家人咸集曰吾數終矣隱几而逝壽七十六魯廷舉例貢性孝友父歿弟幼獨兼家政終身無私財分產推多取少局量寬達遇橫逆受之不報卒年七十五子五三仕達多善行鄰人王佳勇廖元玉累於債欲嫁妻以償爲出貲保全之遂爲夫婦如初

劉華峯縣學生福田里水車頭人性耿介家貧授徒自給其教以修倫篤行爲重有盤澡德劉開來者家極貧從學八九年未受一錢以爲贄也後兩人館於外稍有饋遺力卻之但勉以無負人子弟而已及老益窘乃織屨以資食用不肯乞貸於人卒年七十七

余興孔字爾昭小河江人性諒直不苟言笑喜與學者談忠孝大節家頗裕自奉極約而修橋葺道出貲無少悞卒日有族人過諸途問曰將適皮揚漕庵及其人歸詢之已歿半日矣年八十三

蔣程九號漢槎邑庠生高溪大方洲人性篤厚幼貧甚種瓜賣之得錢必市肉供母父販鹺旣入庠仍繼其業往返江淮不數年獲巨貲曾從鄧雲亭學鄧老而貧周恤備至鄧歿殮瘞皆任其費相知有稱貸不受券蓋陰遺之也卒年七十六

周道政孝悌鄉雲龍村人性端嚴重禮教嘗延名師課子姪朔望必盛服拜之飲饌潔豐而囑師程功最嚴季考月

零陵縣志 卷八
試做書院規製前列者予優獎里中子弟多受其益事父母兄嫂惟謹鄉里以孝友稱之子五炳文庠生孫八顯親庠生

伍鍾嶽字靜齋歲貢大井頭人事親曲承色笑父晚年患心疾扶侍湯藥寒暑無少懈與弟鍾惠自幼至老驩慜不衰視諸姪猶子講學授徒置別業任里中子弟從游不計修俸與鄉鄰決是非不徇人皆欽服之黼黻嶺文昌宮畧江口義渡皆其所倡建者子象賢庠生孫桂生廩生

鄧明志字淡軒樂郊里人嘗居城設酤市去家數十里每得時果新蔬必奉父母不先嘗也族嫗中貧不能葬者爲之棺殮壻某負某金若干責之亟畀以產盡鬻而償之子二長興松有傳在忠義次興桂議敘九品

周昌前字光裕號厚亭太學生父早喪家貧力作以養母撫弟妹皆成立婚嫁以時母歿哀悼幾至滅毀有舅某及其子皆蚤歿其姑媳孀居時存撫之姨母缺養迎於家奉侍終身置義庄以贍族貧者子五

唐聖垣號春山庠生幼出嗣伯父事之孝而事生父母亦孝謹生母晚年患咳扶侍湯藥積歲無間邑育嬰義渡諸事多所倡行貧不能葬者助之棺殮爲老埠頭渡口增置田數十畝以經久遠人尤賴之子四曉春庠生

蔣光斗武庠生性倣儻所交皆當代名流尤好善舉郡城及文廟忠孝祠俱所倡修兄弟五友愛備至遇爭端力爲排解鄉里倚任之

蕭燦臣高溪人以服賈爲業嘗遠出二子一姪從之一日

攜以渡某江舟且覆燦臣獨力救姪置一子不顧或怪問之曰吾弟止此子苟可全吾卽爲鄧伯道不悔也已而二子俱爲榜人拯出得不死

王章輝東鄉福田洞人少貧負販以養親甘毳無缺兄章炳先徙永明旣死遺子甫三歲章輝返之爲撫成人年二十餘喪妻終身不復娶

鄧興大字展成樂郊里人父病咳經年躬侍湯藥不懈初父艱於嗣時撫族某爲子及興大長待之不啻同懷姑適某貧不自給爲置田數十畝以供贍之姑死復營紀其喪又爲姑子娶婦

周宗弼字贊臣有弟性蹇傲時以非禮相遇弼能隱忍之愛好如故及析爨猶時爲經綜其家以弟素疎縱不務生產也孫祚聰庠生

艾本一字連城父蚤世事母至孝遇親友必以勸善書相勉導鄉有爭端爲直言剖決眾悚服焉子文炳庠生

黃理字士修水市橋人幼出繼伯父某伯父家故貧生父家故裕然未嘗有怨悔也食貧自力服賈以養久之家漸起性剛直族黨咸敬憚之子二孫九長孫麟炳郡庠生

胡海清字鏡溪例貢南鄉人幼積學未售家富於貲而衣食儉艱自視如寒士至遇諸義舉則輸助不少吝敬禮文學延師課子弟館穀必極豐厚子廣源庠生事親孝謹父病危侍湯藥衣不解帶者累月母沒時季弟甫歲餘撫之成立友愛純至事繼母能得歡心道光己酉大饑減價糶穀鄉里多蒙其惠妻唐氏亦知大義繼母病癱唐氏極力

調護澣滌之役皆躬親之廣源歿五子皆稚唐氏嚴慈並用卒以有成

蔣萬選號青渠太學生烏鴉山人性慷慨橋梁道路多所倡修貧不能婚葬者周恤之遇爭忿極力排解一鄉因無獄訟壽八十三子道裕庠生孫昌俎舉孝廉方正

魏見三字鑑塘太學生進賢鄉高賢材人兄弟四父早喪乃獨輟讀綜家政而令諸弟力學性誠厚好善舉橋梁道路多所倡修歲荒減價出藏穀以賑貧困鄉鄰有爭財致訟者居間出貲以解其事姪懷芳甫週晬失怙恃爲撫教之懷芳舉辛酉拔貢

曾盛周毛坪人早孤有至性家貧傭工爲生每月必兩歸省母並市肉遺之凡蔬菜初出約母未食不先食也兄某以事入粵久無耗往尋之遇路歧輒合草屨如擲筓狀哭泣求神示久之卒等歸兄歿嫂再嫁遺子及養媳僅數茂力撫之成立姪復生子母歿哀痛幾至毀滅而喪葬如禮無何室燬於火盛周竟以窮悴卒

胡煜字文彬性孝友兄弟三父鍾愛其長兄意欲多予產析居煜卽曲承父意推多取少後更以勤儉起家與兄埒好義舉凡道路津梁多所修葺族有不給者周之有以貧將嫁其婦者助貲完全之今其後約千餘人

楊時炫字耀南西鄉隆慶里人明御史萬材七世孫也性篤孝父鍾愛之兄弟三炫最少同居六十餘年無間言析產時推多取少嘗出貲營解里中事由是里中少爭訟者尤喜義舉倡修橋路助婚嫁救溺女人多稱頌

唐昌運字介庭幼失怙事母馮得其歡心母疾侍湯藥不少離夜潛起撫視枕衾不令母知也事兩兄如父命之坐始坐一庭之內怡怡如也性好善次子仙齡捐千金與邑人士重修永善堂承昌運志也子與齡戊午鄉舉孫希璜郡庠生

韓炳周字式南懋德子高亢有父風讀書嫻詞章然不應試工書所書屏聯人爭寶貴之好義舉立放生堂惜字紙刊傳經文捐修道路皆實力舉行之

蔣永魁字靜軒邑城人以勤儉起家一日悉推所置田畝予兄弟而永魁獨更經創之久之復裕力善喜施雖多費不惜姪輩務生計而艱於貲本者助之勿令償也子名世廩生

李炳字蔚軒邑城人庠生性直確爲文宗先正授徒三十年所從游多騰達者性好善府縣學宮考棚及各廟宇皆所倡修筦文昌宮計簿數年約增產業二千餘金咸豐己未石蓮園縣城炳綜局事衣不解帶者凡七晝夜事平保藍翎六品訓導子玉德候補州同章德庠生庸德六品銜候補縣丞懋德國學生

周方正楚江墟人道光乙未歲旱田苗幾稿時傭工者少方正重貲集十餘人車水灌之將集事而族中强者要眾去子姪請與爭因阻之越日而天大雨强者悔憾焉凡負債不能償者悉呼而反其券

蔣養民東鄉橋頭人年二十五妻喪遺子三歲躬鞠之守義不娶

睦本根西鄉名山嶺人年二十九喪妻子女二俱幼穉躬自撫教終身不更娶

唐天祐楚江墟人幼孤隨母育於唐有文家有文故豐於貲生子某而有文歿天祐既長卽筮攝家政後其子漸游蕩天祐屢規不從卽以計簿筭鑰付之而身歸本宗貲財無一毫私後天祐更以勤儉起家性介直遇不平事常裁抑之不避嫌怨尤喜勸修祠廟卒年六十餘

祝友煇字建南性和厚多義舉少與周進士圭友善圭性豪縱未第時數貸於友煇未嘗質券及圭由進士作吏歸仍償友煇曰此長者不可負也一日檢地理書得秘本多壞人墳墓術亟焚之乾隆末安南貢象過境至孟公山有窮婦子爲象傷鄉人羣趨毆象於是貢使怒止不行者三

日官府輸以金猶未去適友煇至爲友人書聯貢使一覓賞之邀與筆談因責以陪臣大義使甚敬之乃卻金出境而並贈友煇安桂焉旣而郡城水滂作疫人多病者友煇家十餘人獨以餌桂得免人謂忠厚之報妻伍氏亦賢淑子五季仙齡郡庠生性孝友父歿析產仙齡獨奉母居城內養生送死皆竭力爲之不分任諸兄也祖田十餘畝爲兄某竊賣知其窘置不問先後爲府縣幕客三十餘年未嘗干以私至地方利病則切直言之出亦不以告人有兄弟訟者仙齡爲反覆論以至性其兄弟皆泣下復相和好年七十五卒子四長治郡庠生保舉訓導加五品銜向陞颺字廣階邑庠生性至孝父蚤歿事嫡母生母胥得歡心母喪哭踊踰禮忘日常哀泣如新喪至老不衰鄉試

凡十一蓋自爲諸生每試必赴屢不第亦不怨也相傳每入試錄所爲文必取晉人某帖置其前字字而倣之故試嘗過時以不完卷被黜人有給者輒信其言旣知之亦夷然弗怒也居近縣署然非公不至主講義塾二十餘年咸豐乙卯以守城功保訓導

李榮增泉塘冲人性仁厚好施予道光乙未歲饑出所藏不足又貸呂姓錢穀若干以濟貧者孫二俱庠生唐成章邑庠生性誠孝父病歲恆數月成章與弟德培更相侍無間寒暑父病篤成章禱以身代並誓力行諸善以延父壽德培後以母病冒雨往祈神遶寒疾卒成章以痛弟致疾相繼卒成章子善繼郡庠生

張承烈號文軒邑優增生性質直知醫嘗設藥肆以濟貧

疾者以是家漸落然不悔也咸豐己未石逆犯境當事屬以團練承烈部署有法並陳團練十要知府楊翰行其言屢效素患咯血一發數斗然未嘗令母知也適母疾承烈強扶持之凡數月母歿以哀毀卒著有古文古近體詩

周紹邠字遷安進賢鄉人明南戶部尙書希聖八世孫也家貧力學嘗從伯父澄世讀日伍農作夜就塾自課久之學大進以縣試第一入學歷歲試復第一食餼家居授徒爲文主理法屏浮藻遠近多就質之裁成甚眾每發一題必擬作一二藝或已就寢有所得卽起篝燈書之旣成乃已其精苦如此生有幹略邑自道光來科第多不達或以學宮瘠陋不得地爲言紹邠卽倡邑人徙而新之規製廓於前由是登第者漸眾己酉歲饑邑令胡廷槐出倉穀糶

貧者而屬紹邠綜其事眾聞之競來糴勢甚謹擾紹邠措處有方越一日夜而穀畢糴無濫且遺者咸豐九年石達開圍城時紹邠已先在城知府楊翰嬰與其守是時乘城兵才數百不足則雜以市人勢危甚紹邠助郡守日巡眾激以忠義凡七日夜不休會援兵至大破賊城下圍解先是紹邠子崇佑崇傳聞賊方圍城卽夜奔至縋城入請紹邠歸不可曰吾已許楊公矣二子乃留與守圍解始偕出事後以歲貢加訓導自軍興以來國帑空匱民率輸家貲助饗紹邠嘗與邑紳分治其事或有侵漁者卽斥之無所徇有不便於民多方幹正之故事集而民不擾晚年尤耽精詩文著撰有程課著有古農文鈔駢體文詠史詩雜詩若干卷卒年七十二子崇佑廩生崇傳翰林院編修崇備

庠生

陳志邦監生父瑞生老多病凡藥餌必手煎以進與弟志實同居無間設家塾待師有加禮貧家子弟皆招入課讀飲其膏火方鳩工築父塋夜半聞哭聲甚哀訪之則工楊某鬻其妻時與訣也志邦卽爲償身值全其伉儷嘗至黃葉渡見墜水者急呼曰能拯者與十五金於是漁人入掖而出得不死志邦卽如其數予之子四長鉅華監生次寶孫汝琛俱庠生

李瑞瓊隆慶里人甫周歲喪母就乳族嫂後嫂瞽且絕瓊每晨夕必往執役十餘年不倦嫂故哀如喪母其父繼娶生三子瓊事繼母能得歡心待弟尤推多取少卒年近八十

唐才盛字鳳卿北鄉人事親孝父病革時年已八十餘矣盛焚香禱於神願減己算以增父父歿晝夕感泣孺慕不衰好善樂施鄉間義舉多所資助壽七十餘無疾卒

魯有巍字雲峯性溫厚少孤事母至孝豐於財屢被欺凌終身無怨言設塾延師館穀隆盛供膳獨任之寒畯並資以膏火如是者數十年多所造就今猶傳頌其禮意云卒年七十八子三孫曾蕃衍

譚顯承幼承伯父桃伯父與父皆早故惟兩母尚存顯承兼事之孝養備至同母弟析產時均分之並竭力助諸姪婚嫁卒年七十六子三孫十三曾孫四

黃祥麟北鄉明塘人性耿介好善喜施道光十五年歲歉貧濟貧困全活甚多修港子口義渡並置田以充其實今

利賴之子三孫曾繁衍壽七十餘卒

高懷鵬恩貢生北鄉人邑庠生遠揚子生而穎異善屬文尤工駢體性篤孝遠揚病幾不起鵬祠禱願以身代既而病愈逾年乃卒赴秋闈屢薦不遇授徒於外門下多知名士子鏡瑜璣鑑俱庠生

胡國獻郵亭墟人以力出起家好行善事本境石橋年久爲水圯國獻募資重修功未竟卒長子三鐸成其事獨捐貲二百餘緡蔣某負三鐸錢數十緡償以田蔣母老不能辦棺槨哀三鐸減收三鐸還其券壽八十二次子三悅邑庠生名作相事兄謹終身無失禮性和易鄉黨有爭訟力爲排解見人困乏輒周之咸豐己未流民過境量地遠近給之多所全活卒年六十四

胡正紀字肇修冷水市人性仁厚父早歿奉母甚謹侍從兄如同胞道光十六年市火正紀家蕩然惟市肆獨存其肆蓋與姪共者於是悉歸姪姪甚感焉後正紀更起家而姪貧猶分給之母王氏年八十六歿正紀已七十有三矣居喪哀悼里人爲感動

王金和字子咸候選縣丞洽溪人父蚤故事祖父母母至孝少博學工文章屢試不第父歿遂廢讀理家政延師課子禮數優崇負幹略悉心世務每遇團練軍需諸巨舉皆一身肩之吏胥無所擾鄉黨咸受其福

呂道崧號嶽岡優增生岐山人博學洽聞精制藝尤工詩古文歷鄉試不第遂絕意進取性簡默不苟言笑而魁岸多行義凡宗祠義田義塾家乘皆其所綜成者道光乙未

歲饑糶米施粥全活貧餒者甚眾

陳思美花橋雜路口人以詩書釐訓鄉黨生平無詞色過有貧將嫁其妻者爲出資保完之尤敬惜字紙歲時拾檢不懈年七十三卒前數日自言某夕有人背黃包袱云某日時迎我爲某土神及期果歿

羅世瑞東鄉下辛里人仕廉繼子也少穎悟學力過人方入繼時仕廉已蚤卒事母氏龍甚得其歡而事生母亦無缺禮生母歿父續娶陳性亢烈瑞尤委心順承不逢其怒陳亦甚鍾愛不啻所生鄉有爭角竭力營解息而後已橋梁道路多所倡成

周天美東鄉菱角塘人兄弟凡三天美少出桃叔父某旣分爨卽徙居與兄天善相距五里許兄病疫聞之卽趨省

其妻懼其傳染沮之不可遂往爲兄奉湯藥兄病革卽身
抱而寢越二晝夜不舍及兄終美歸亦逝時年二十九妻
黃氏撫二孤依外氏居焉

呂道潔字蓮清邑城人生平勤儉治家有法初居鄉後徙
城中每返舊居一族爲之愛敬相款如賓卒年八十八卒
時取積券數十紙焚之而手陰隲書不釋子冠南字文峰
郡庠生善事母母病不改其歡將死謂南曰我死汝勿哀
汝之事我殆無餘憾也性慷慨輕財仗義道光十二年趙
金龍叛江華捐貲募勇隨堵剿有功總督納 奏給六品
銜十五年旱饑力賙之傾所藏猶不濟乃貸錢數百千以
足之全活甚眾有寡婦賣田於豪族某而已以遺糧受累
欲嫁其媳以償冠南爲白於官歸其糧於某而保全其媳

又胡氏亦以貧將嫁如復保全之如前嘗與衣得錢五千
以三千助人葬終是幾罄其產咸豐元年與籌餉有富人
請賄免力卻之卒年八十一曾孫兆熊登同治丁卯鄉榜
羅鴻緒字濟川派名正源東鄉白鷺廟人性倣儻不羣淹
通書籍工詩賦屢試諸生不得年三十卒人多惜之生平
敦檢操嘗讀書古利有少艾窺窗誚之拒不納事後作詩
一章以自警咸豐九年弟某死於賊哭之慟並作歌弔之
其歌效杜同谷體繁韻促節悽愴動人緒爲叔父所撫叔
歿哀禮兼至嫡某氏亦愛如已出旣歿嫡憂思成疾不數
年亦卒子二妻某氏撫之今成立

許高美西鄉許家橋人家貧事親至孝日有與以簞值供
羞膳主者或食以肉則懷歸以遺親終年不外宿人問之

曰有親須侍寢也親歿哀痛深至自後不復肩輿矣
 黃三拱孝悌鄉石角塘人本姓蔣出嗣黃超玉遂冒其姓
 超玉性嚴下稍不如意即怒甚則鞭笞三拱率順受之無
 怨年四十餘猶然家極貧力耕以養甘珍不缺父歿哀毀
 幾至滅性終身不娶撫子五連亦以孝稱拱有疾為輟飲
 食跪禱於竈神及愈乃己人以爲三拱孝行之報

楊五仕孝悌鄉石角塘人事母孝母性褊急曲承無所忤
 母病痰入秋即怯寒五仕夜則溫被晨起先服母衣治爨
 俟母興更易之母樂餌甘羞竭力營供不給則借貸如是
 者二十餘年妻喪不娶爲弟授室有姪二以次嗣之

顏邦光高溪司人父蚤歿母湯氏兄弟凡三家貧甚或饑
 湯再醮時光尙幼爲痛哭挽留之無何兄弟俱天光獨身

供出竭力營措久之不支乃率其弟以水與以給而
 母食必供肉既復奉母歸家其母有肉輒留之
 遺母夜寒無爐火以身溫被侍母年七十六終喪毀
 成疾閱一年卒年五十二凡侍母近四十年未嘗一日離
 左右

蔣昌楚孝悌鄉鹿鳴塘人事父至孝由意承志以博其歡
 冬寒以身溫被父未及寢侍牀側弗退如是凡數十年父
 歿奉木主每出必告反亦如之

李守權西鄉東湘橋西塘村人父母蚤世事祖母以孝聞
 咸豐九年粵賊至其祖母老嫗於行乃負之出避賊匪追
 及守權謂賊曰與殺祖母焉殺我也賊竟殺之而舍其祖
 母聞者哀悼之

徐方灝東湘橋人性至孝母病危為之嘗糞又有程榮運者居荷葉塘家被火榮運身出入烈燄中以救母母免於難

張正左字作丞城南承平洞人讀書能文而淡於名利敦篤孝友母患口嗜猪肝每食必進無或缺季弟有疾醫藥時不給嘗稱貸以供其費病愈乃已正左後亦精岐黃術全活甚眾卒年七十三

胡學濂字紹周邑庠生事親至孝謹尤好周給貧乏某歲饑輸粟於族鄰多所全活歸陽石橋地捐金以襄其事賀某家貧將鬻其妻為募貲保全之卒年九十子孫多顯達者孫廷桓字公玉太學生性好善每歲購水絮竹笠若干給貧者橋梁道路多所修葺篤友愛析產後或有不給時

曾省惠顧之卒年八十三

孫逢吉城東花山嶺人性友愛家貧好學能詩咸豐二年應營道縣雲溪塾聘三月歸赴院試入學事畢其叔弟負行李偕至館及第歸適粵賊踞營道途路梗塞吉日夜憂悸賦憶弟詩一章久之成疾明年卒先是吉方赴館時賊已偏近營道矣其弟固勸毋行曰不可不終人事也及第歸所經路多賊出歿其存亡無息耗故吉憂悸甚既知弟實歸而疾已不可為矣憶弟詩詞為哀傷讀之泣下熊之遜東鄉人性友愛咸豐九年石達開賊黨圍郡城兄之通死焉遜哀痛甚訪大營號哭乞師時賊營白鷺廟及師至仙神橋未見賊眾欲兵之遜曰再前如不見請就死又數里抵白鷺廟出賊不意大敗之餘黨竄去當事上其

功給六品銜

劉宏仙北鄉翟家洞人咸豐九年粵賊入境父獻廷老且病不能走匿宏仙卽侍父於家聞賊將至各藏於室奧處無何賊獲獻廷將加刃宏仙遽出請曰與殺父不如殺我賊竟舍獻廷而殺宏仙

顏其新高溪司例貢步瀛仲子也端品勵學先達率器偉之年二十未娶母周氏嘗澣於池一日忽失足墜水時其新方讀塾中聞之卽奔往躍入池昇母隨出歿者數池最深以力盡同斃及里人至出其屍猶手挽母手也今池涸僉曰孝感所致

黃九祥大木口人事母孝咸豐己未粵逆竄境祥侍母於家爲賊刺創左足足久之愈奉母以終

唐中矩東鄉孟塘人事親孝竭力樵薪以供甘旨咸豐九年石逆竄境父某艱於行負而逃賊踵至殺之而父以老得釋

朱聲遠郡庠生馬鞍嶺人性篤孝母早世事繼母能得其歡出繼叔某母氏唐孀居事之無幾微忤時生父尙存以年老夜不能寐聲遠每侍唐寢後卽往從譙談以消長夜唐旣請旌出貲建專坊舅家貧時供給之歲時無缺咸豐九年石逆攻郡城各鄉皆其黨所出歿聲遠奉母避陶家灣山谷中一夜賊炬火牢搜至相距且咫尺而母又艱於徙避聲遠命其子遠去爲宗祧計而獨與妻盤氏奉母誓俱斃俄而火滅賊亦退論者謂孝行所感云生平尙行義舉里人呂鼎佳以事坐誣爲昭雪之歲饑貸穀賙貧人

不取其息母歿以哀毀致疾卒

秦禮仁水北鄉高溪司人性至孝父三旭遠賈儀徵咸豐三年粵逆陷金陵爲所掠憤鬱而死禮仁聞卽奔走數千里冒鋒鏑入金陵尋其遺骸盛以箱舁而出賊疑箱有貨財見輒窘迫卒奔而免其歸喪葬如禮時咸豐十年事也盛承貴北鄉黃陽司人幼嗜書以父多病廢讀侍左右凡六載未嘗少離湯藥必親進年三十喪妻不再娶待弟尤友愛同居終身無間性寬能容物里惡少以非禮犯之置不與校惡少感其誠卒愧謝焉卒年八十八

盛丙南黃陽司人性孝謹父母早世哀毀逾禮觀者感泣每值生忌日拜奠淚洽洽下如新喪者教子不令有私儲曰兄弟參商多以此也家七十餘人雍雍緝諧至今守其教性好施道光咸豐間歲薦饑減價出糶全活甚多喜誘掖後進族中學多有成者

楊榜槐隆慶里人事親無幾微忤饒膳不假妻孥冬爲溫被親老患渴寒夜必三四起溫茶以進壽九十三子開茂晚生事兩繼母極謹好義舉貧難婚葬者助之壽八十一茂子宏昭字濟南佃戶某欲鬻妻以償逋負昭代完之咸豐九年帶勇守城游至同知楊友棟性友愛析居時推多取少自奉儉嗇以有餘濟貧乏子孫今二百餘人

蔣榮亨隆慶里人事繼母至孝供膳必親調爲祈壽多修橋路養孤獨每清明遠近無祀之墓代祭掃壽八十一子昌榮善承父志形魁梧性洒落多吟咏喜接士類咸豐九

年以團練功加五品銜孫習之翰林待詔

黃心錦號紫垣少孤事母能得其歡母病劇每夜潛禱於天願減已算以延母值父母生忌日必詣墓泣奠終身不改子四順溥順潭均庠生

楊文烈字丕顯隆慶里人性倜儻積學未售父病侍湯藥衣不解帶者累月歿廬墓三年母性嚴多方以致歡娛篤友愛美田宅讓之負債者焚其券

唐雲朗號玉山例貢性和平不與人較是非與弟雲青四代同居內外無間言外祖母余楊氏老無依迎養二十餘年敬禮不倦沒爲營葬同治壬戌丙寅歲荒穀米昂貴減價出糶全活甚多

陶國瑞成賢子歷任白象嶺東把總性純孝父有所欲必

委曲力致之或怒則長跪請罪務得歡心知醫每製丸散以拯疾苦多所全活督諸弟成立子合貴歲貢遇春外委陣亡事見忠義

孝丐者魏姓適其名幼以病兩足屈彎嘗反手踞地仰面行有母叔母並盲皆倚以養處深山中而丐日乞於外山當樵採要徑日得升米或不能卽歸則因樵者以遺母與叔母偶多則以米易肉遺之月必歸省訊安否以爲常一日行某嶺上嶺路故斗絕時天方雨忽迅雷破空起駭而顛身如轉石去嶺上數十武及警而起則足能屈伸若未始病者試行則不于如恆人矣見者以爲誠孝荷天祐競厚賜之日所得倍於常積久遂爲母叔母治喪具衣棺敷備未幾母叔母相繼逝丐亦壽卒有好事者斲石尙其像

置某洞中至今見者猶號稱孝西云

唐宗密字文理福田鄉人性孝友父母早世時三弟皆幼密撫成之初業儒繼以會計入公門遇事訟多所勸釋妻胡氏亦以勤儉相夫家道遂隆隆起與弟同居五十年不聞詬諍聲子三孫九

唐炳相福田洞人父大純早世竭力奉母母病癱相親侍湯藥數年無懈妻歿終身不娶

唐熊吉字丹崖邑庠生北鄉蔡家埠人事孀母至孝以舌耕養甘旨未嘗缺咸豐己未石逆圍永吉館進賢鄉聞警恐母受驚星夜奔馳至沙平渡江流甚湍舟離岸丈餘旋不及仆水中舟子以篙出之人咸詫為神助母疾設藥服之衣不解帶湯藥必親調尤好義舉本境文昌宮湖

傾屢修募真不及變產以濟子一長慎修登賢書次敬

人邑庠
蕭昌俎字惺子邑庠生南鄉烏鴉山人最孝謹母性嚴能得其歡心母病夜侍床褥衣不解帶母令就寢退立門外勿使母知聞轉側聲即入問候有女第二母鍾愛之餘各什物聽其取攜不禁也與人和易鄉有爭端望其至即為冰釋建樂善堂飢施食寒施衣病施藥倡修橋路不懈其最著者瀧泊昆連營道路極仄且低春夏漲溢刺船以濟灘危水險難免覆溺昌俎募重金益出已費鑿路山腰行人稱便咸豐紀元詔舉特科羣以昌俎應卒年五十三

齊顯山號惺齋郡廩生性質直辭謚言行一無苟士林重之尤孝友教兩弟讀不尙嚴苛均令學成同治庚午季弟

不祿顯臣誌痛既至然又恐父母知外鎮抑而內實裂毀
逾年患瘰癧勸者每一啟口卽潄潄淚下父晚病足召醫
檢方無弗至卒哀極所患益劇先修邑志籍襄筆纂歲大
旱邑侯策賑復力任其事明年光緒紀元以制科交薦固
辭尋遭母喪未葬卒

